

کتابخانه انبیا

عدد : ۹

بالقان حربنده

نَدْوَةُ الْمُؤْمِنِينَ وَأَوْلَادِهِمْ

محرری :

۱.


طابع و ناشری :

تجار زاده : ابراهیم حلمی

استانبول

کتابخانه اسلام و عسکری

۴۶ — باب عالی جاده سی — ۴۶



Digitized by the Internet Archive
in 2014

کتابخانه انتخاب

عدد : ۹

بالقان حربنده

نَدْوَةُ الْمُتَمَرِّضِينَ

محرری :

۱.

طابع و ناشری :

تجارزاده : ابراهیم حلمی

استانبول

کتابخانه اسلام و عسکری

۴۶ — باب عالی جاده سی — ۴۶

۱۳۲۹

کتابخانه اسلام و عسکری
نجمارزاده : ابراهیم حلمی

۴۶ — باب عالی جاده سی — ۴۶

— « درد لر ، دوالر » محررینه تحفه —

شو رساله بر تاریخ حرب دکلدر؛ آنجق هرکسه اسباب انهزامی عمومی بر صورتده تشریح ایتک ایچون یازیلشدر . شبهه یوق که دوچار اولدیغمز فلاکتک پک چوق و متنوع اسبابی واردر . بز بوسیلری جنس جنس تفریق ایدرک هر جنس حقنده عمومی مطالعات درمیان ایده جکرز . بیک نصیحتنه نسبتله برفلاکت اولادر . او حالده فلاکت مزدن متنبه اولق لازم . بونک ایچون اسباب فلاکتی تدقیق ایتلی . بزبالخاصه شو صوک عصرده مسلسل فلاکتلره ، مغلوبیتلره دوچار اولدق ؛ فقط هیچ برندن متنبه اولماق . بونک سبی ، مؤثرات فلاکتی تدقیق ایدوب سربستجه میدانه قویئامقدن عبارتدر . قباحترلرمنی کیزله یهرک آتیده تکررینه میدان ویرمکدن ایسه ، شیمیدین اوکزه دوکوب استقبال ایچون عبرت آلقی مر جحدر . تاریخ بر تکرردن عبارتدر . یاشامق ایسته یین اقوامک وقایع ماضیه دن عبرت آلماسی لازمدر . بزم باشمزه کلن فلاکتی ، وقتيله متعدد اقوامده دوچار اولمشلردی ؛ فقط تاریخه اهمیت ویرمه مک ، اقوام سائره نک فلاکتلرندن حصه یاب اولماق ، حاصلی هر دورلو معناسیله اویومق بزیده عینی کردابه دوشوردی .

الده نه روسلرله یاپدیغمز متعدد مغلوبانه حربلرک ونه ده یونان ابله اجرا ایتدیکمز غالبانه حربک اصوله موافق هیچ بر تاریخی یوقدر . حال بوکه روسیه بیله مانچوریده اجرا ایتدیکی مغلوبانه حربک مکمل بر تاریخی حربدن بش سنه صوکر ا میدان قویدی .

عجبا بزم بو اویوشوقلغمز سبب نه در ؟ قباحترلرمنی اورت باص ایتمکه ، جاهلانه حرکتلرمنی اخلافه تفصیل ایتمه مکله برفائده می استحصالی امیدنده یز ؟ انسانک کندی تجربه لری ، باشقه لرینک تجربه لرندن ده ا مؤثر و موجب اتباهدر . منحصرأ فره در یقارک ، ناپولیونلرک ، مولتکه لرک مظفرانه حربلرینی اوقومق ، اوقومق فائده دن زیاده مضرتدر . نیجه ارکان عسکریه منر بواستاده حربک داستان ظفرینی

از برله مش ، حتی اوقوتمش ایکن فلاکت اخیره مرضی ادراك ومنع
ایده مدیلر . فلاکت ، باخصوص کندی فلاکت مزك بویوک مریدر .
باشقه لرینك مظفریاته نشیده خوان اولمقدن ایسه کندی فلاکت مزك
مرثیه سنی اوقومق ده ا عبرت آمیزدر . آرتق قلب قیریلایق ، بر حیات
اولان وقعه قهرمانلری کوجه نه جك دییه بوفلاکت مزی ده تدقیق وتشریح
ایتمزسه ك یاشامقدن ، محافظه استقلالدن قطع امید ایتمه لیدر ؛ هم هیچ
غائب ایدیله جك زمان یوقدر ؛ هان پاچالری صیغایوب درد لر مرضی تشریح ،
دوالر مرضی تحری لازمدر . انسان خطاسز اولاماز ؛ خطا صاحب لری
قصور لرینی ایجه اوکره نوب آتی ایچون عبرت بین اولمالیدرلر ؛ اخلاقك ،
اولاد وطنك استفاده سی ، سلامت وطنك تأمین ایچون خطا لرینك
تدقیق و اظهارندن محظوظ وبوکا کندی اللریله یاردم ایتمه لیدرلر .
رساله ده مندرج بعض آچی حقیقتلر احتمال که ، پك سرت ودوقوناقلی
کورولور ؛ فقط ای ناموسکار انسانلر ، براییکز ؛ کچمش درد لر مرض
ایجه تشریح ایدیلسون ؛ تا که بویوک کوچوک هپمز اوکره نه رك باری
بوندن صوکر ا عینی خطا لری تکرار ایتمه لم .
بز هپمز ، بوتون اولاد وطن فلاکت اخیره مزده آز ویا چوق
مؤثرز . مغلوبیت مزك سببلری نه منحصرأ دیلوماتلر ، نه قوماندانلر ،
نه ضابطلر ، نه عسکرلردر ؛ بوتون افراد ملت مدخلداردر . بونك
ایچون اسباب فلاکت وانه زامزی ال برلکیاه تمامیه تدقیق ایتمك ،
آتی ایچون متنبه اولق ، تاریخمزده بویوک ، پك بویوک برسیاه لکه
اولان شو فلاکتی برآن اول بیلیمک و بوتون مفاخر عسکریه مزك ،
خاطرات شان و شرف مزك مهدی ولحدی اولان روم ایلی بی بش اون
سنه ظرفنده استرداد ایتمك لازمدر .

« دلبر روم ایلی ، بومالکانه »

« تورک ملتیک جهان ایشیتسین ؛ »

« ایمان ایده لم : بوکونکی (اودرین) »

« البته یارین اولور ادرنه »

۱۴ حزیران سنه ۱۳۲۹

برنجی قسم

حربدن اولکی سبیلر

۱

سیاسی خطالرمن

۱۳۲۷ سنهسی ایلولنده ایتالیا نك اعلان حربی بزده بویوك برهت و حیرت تولید ایتشدی ؛ بزم ایچون بووقعه پك نا کظهور و غیر مأمول ایدی . حال بوکه دشمنمز اولان ایتالیا آیلردن بری حاضر لانیور ایدی ؛ و کندیسی ایچون طرابلسه تجاوز سنه لردن بری بسله ن آمالک قوه دن فعله چیقماسی ، عادتاً بر نتیجه طبیعیه سی ایدی . شو حالده بزم ایچون نا کظهور اولان برووقه خصممز ایچون پك معلوم و مستحضر و کذا بزم ایچون غیر مأمول اولان شی اونك ایچون طبیعی بر حال ایدی . اوزمانه قدر موقع اقتدارده بولونان قابینه هیچ امید و تخمین ایتدیکی و بناءً علیه هیچ بر صورتله حاضر لانیادیغی بر حربك بردن بره ظهورینی کورونجه قصورینی در حال ادراك ایتدی ؛ افکار عمومیه مواجهه سنده اعتبارینی غائب ایلیمه جکنی و بو حال ایلله اداره امور دولتك ممکن اولامیه جغنی حس ایدرك هان استعفا سنی و یردی ؛ بولغار رئیس و کلاسی (که شوف) ك

بالقان حربى ختامىدە سويلدىكى وجهله ، «يېڭى وضعيتلار يېڭى آدملىرى ايستەز» دىيەرك موقەقتاردىن چىكىلدى . شېھەنز بو ، بىر بويۇك فضىلت سىياسىيە اثرى ايدى ؛ لىكن رۇئىس وكلاتىك حركەتتە تەكمىل قايىنە اعضاءى اقتفا ايدەمدى . بونلارك بىر قىسمى يېڭى تەشكىل ايدىن قايىنە يەدە داخلى اولدىلار ...

اسكى قايىنە اتفاق مەثلە تەمبىل ايتىش ايدى ؛ بويۇك رەغما اتفاق مەثلەك بىر رەككى طرفىدىن اندەكى مالى غەصب ايدىلك ايستە . نىليوردى ؛ وبوخصوصدە اتفاقك سائر اركانى طرفىدىن ھىچ بىر مەعاونت و دلالة مەظھىر اولماشدى .

ايستە بو حال بىزم كەندىلەرىنە دىپلومات سوسى و ىرن مامورلار مەزك كوزىنى آچىق ايچون كافى ايدى : دىمەك كە ، اك زىادە كوۋەنىلەن دولتلىر طرفىدىن ھىچ تەخمىن ايدىلە مەين بىر تەعرضە دوچار اولمىق مەكەن ايتىش ... بو ، اويلە آجى بىر تەجرىبە ايدى كە ، بوتون استقبالى ايچون ھىچ بىر ناظر مەزك خاطر نەدىن چىقماي اچىق ايدى . بىر حەكومت ايچون اك مەكەل دوست ، كەندىلىنىك قوتىدەر . قوت ايسە ، لاف ايلە اولماز ؛ قوتلىم دىمەك كە قوتلى اولونماز . قوت آنچىق اردونك و دونمانك قىمەت حەقىقىيە حەربىيە سەندىن ، ھەرزمان حەربە حاضەر و آمادە اولماسەندىن عبارتدەر .

خاقان سەبەقدىن مىراث قالان اردو و دونما ھەردىلە قىمەتەندىن مەجروم و چىلاق بىر غەلبە لەقدىن باشقە بىر شى دىكلدى [*] . بو اردو يە [*] يالەكز اعتراف ايتىلىز كە اردودەكى اسلەھە پاك مەكەل وزمانە

قىمەت ھەربىيە وىرەمەك ئىچۈن سەھەرچە و كىچەلى ، كوندوزلى چالېشمۇ ، چالېشىدىرەمەك لازىمىدى . بويە برىسى ئىچۈن اردونەك سەكونە ئىحتىياجى واردى . يوقسە خاقان مەخلۇع زامانەندە اولدىغى كېي مەمادىيا اغتەشاشات داخلىيە نەك تەسكىنى ئىچۈن ئاندارمە خەدمەتەندە قوللانېلىرسە ھەربە ھازىر لائىمەك ئىچۈن بالەبە زامان وامكان قالماز . بوندن باشقە ئاندارمە وظيفەسى ئىچۈن اك زىيادە چتە مەھارباتى قوللانېلا جەغەدن ، ھېچ شەبە يوقكە ، بو اصول ھەرب اردوئى پەك زىيادە بوزار . شو ھالە اردوئى بر قىمەت ھەربىيە وىرەمەك ئىچۈن ، تەلىم و تەربىيە سەھەم ئىھتام ئىدە بىلەمەك ئىچۈن سىياسەت داخلىيە دە اعتدال كوزە تەمەك ، اغتەشاش تولدېنە وبونلرى تەسكىن ئىچۈن عەسكەر استەمەلنە مېدان وىرەمەك لازىم ئىدى .

ھال بو كە اعلان مەشرۇطىتەن برى اردو مەمادىيا اغتەشاشات داخلىيە نەك تەسكىنى ئىچۈن اوغراشوردى : ۳۱ مارت وقايعى ، آتەنە فەجايى ، آرنالوودلۇق وھوران اغتەشاشاتى ، مالېسور وقوعاتى ، يەنە عىصيانى ھەپ اردونەك ھەربىيە تەسكىن اولونىوردى . بونلردن بر قەسمىنەك بىلا ئىختىيار ھەبۇرىنى وبەھمە ھال قوۋە عەسكەرىيە

موافەقىدى : بوكون المزدە كى مەكرر آتەشلى كوچوك چاپلى ماوزر تەفەككەرى وسەرىع آتەشلى طوپلەك ھان كافەسى اونەك زامانەندە تەدارك ويا سەپارش اولوغەشىدى ؛ فەقەت يالەكەز طوپەك وتەفەككەك بر ھەربى قزانغە كافى اولمادىغى شو صوك فەلەكەتەك ، اك غنود چەھەرلە قارشى دە اثبات ئىتمەش اولماسى لازىمەدەر .

ایله تسکینی لزومنی اعتراف ایتمک لازمدر ؛ فقط دیگر بر مهم
قسمتکده ظهورینه میدان ویرمه مک ممکن وقوه عسکریه
سوقنه وارمقسزین حل ایتمک قابلدی ؛ بالعکس ، صانکه اردو
ژاندارمه خدمتی ایچون بسله نیورمش کبی ، هر وقعه عسکر ایله
تسکین وتادیب اولونمق ایسته نیلیدی . شونی ، هر حکومت
مأموری خاطرینه نقش ایتمه لیدرکه ، « اردو آنجق خارجی دشمنلره
« قارشی حرب ایچون ، مدافعه وطن ایچون تأسیس اولونمشدر ؛ وقت
« حضرده کی اردو ، احوالیه ، حال حضر یسیله ، غوغا و حرب ایده من ؛
« وقت حضرده کی اردو آنجق اولاد وطنی حربیه حاضر لامق ایچون
« بر مکتب ، بر اساسدر ؛ مملکت داخلنده آسایش ایچون ژاندارمه
« و پولیس تأسیس اولونمشدر . اردونک شان و شرفنک بویوکلیکی ،
« آنجق خارجی دشمنلره قارشی مدافعه وطن وظیفه مقدسه سیله موظف
« وفدای جان حاضر اولماسندن نشأت ایدر ؛ ایسته بو وظیفه نک قدسیتندن
« ناشی خدمت عسکریه سنی پاره مقابلنده ایفا ایتمز ؛ اردودن مطلوب
« اولان شو خدمت وفدا کارلق ایسه هر کون هر هانکی بر شقینک ،
« بالیدری چیپلاغک تأدیبی ایچون طلب واسراف ایدیله من . حال بوکه
« ژاندارمه و پولیسلر خدمتلینی پاره مقابلنده ایفا ایدن ، آیلقلی انضباط
« مأمور لیدر . اولکی سنه لوندرده بر قاچ حیدود قوتلی بر بنایه تحصن
« ایتدکلی زمان بونلری دردست وتادیب ایچون انکلتزه حکومتی تک
« عسکریله قوللانمادی . لوندره نک آسایشنه مأمور ۱۶۰۰۰ پولیسدن
« بر قسمی بنایی قوشاتارق هجوم و شقیلری افنا ویا دردست ایتدیلر .
ایتالیا اعلان حرب ایتدیکی زمان حوران و کرک وقایعی
ایچون کوندریلن عسکر هنوز احوالیده یمن عصیانی واسع
بر صورتده تسکین ایچون روم ایلیدن سوق اولونان اک کزیده

قطعاتمز هنوز یمنده ایدیلر .

ایتالیانک کوستردیکی مثالدن درعقب ارکان حکومت متنبه اولمالی ایدی . وبو مثالک سائرلری طرفندن ده تطبیق ایدیله بیلیمسی احتمالی نظر دقتہ آلمالی واوردونک قیمت حربیه سنی ، سفر برلکنی احراز ایدن احوالدن آرتق صرف نظرایتمک لزومی ادراک اولونمالی ایدی . حکومت عثمانیه ایچون اک زیاده مهلاک بر حربک روم ایلیده واقع اولاجنی شہہ سز ایدی . حتی خاقان سابق زماننده نیله بوتہلکہ ادراک اولونارق قوہ عسکریہ نیک مرکز شلتی روم ایلیده بولوندریلوردی ؛ بناءً علیہ ایتالیانک آکسزین اعلان حربندن صکرا همان روم ایلیده بر حرب ظہوری تأمل اولونمالی وبویله بر حربہ نہ درجہ یه قدر حاضر اولدینغمز تدقیق ایدیله لیدی .

کرچه طرابلس سفیرینک ظہورندن صوکر بالقانلر ده تشوшат ظہورینه میدان ویریلہ یه چکی بعض دولتلر طرفندن بیان ایدلمش ایدی ؛ فقط دیپلوماتلر پک اعلی بیلیرلرک ، بونوع بیانات وحتى تأمیناتک قیمت حقیقیہ سی پک آزدرد . بونلرک صدق و کذبہ مقرونیتی عینی درجہ ده در . سیاستده منفعتدن باشقه هیچ بر سائق یوقدر ؛ وقوتک اوکنده هر شی بویون اگر . شیمدی یه قدر دفعاتله حکومت عثمانیه نیک تمامی ملکیمی دول معظمه طرفندن تعهد اولونمش ایکن یه اونلر طرفندن دوچار تجاوز اولمورمی ایدی ؟ ایتالیانک آمال صلحچورانه سی ده

بر قاچ هفته اول عینی سوزلرله تأمین اولونمورمی ایدی ؟ ..
 بناءً علیه بالقانلرده تشوشات واختلافات مسلحه ظهورینه مانع
 اولاجق شی دول معظمه‌نک سوزی دکل ، عثمانی حکومتنک
 قوتی ایدی . اکر او قوت اوکنده بویون اگدیریرسه حرب
 ظهور ایتمز ؛ عکس تقدیرده تشوشاتی بالفعل منع ایچون هیچ
 بر دولت معظمه ترکیه لهنه فداکارلق ایتمز .

ماکدونیا مسئله‌سی اوتهدن بری معلق ایدی . اعلان
 مشروطیتله بو مسئله حل ایدیله‌مش ، بالعکس بر مدت موقته
 ایچون او یودولمش ایدی . ماکدونیا‌ده‌کی تشوشات عثمانی
 مأمورلرک ظلمندن زیاده مجاور مملکتلردن کلن تشویق‌دن منبعث
 ایدی ؛ و بو تشوشات عثمانی شوکت وعظمتنک تناقصی نسبتنده
 معکوساً تزايد ایدیوردی . شو حالده ماکدونیا مسئله‌سنی
 بو غمق ایچون ، اردومزک خارجی مشوقلری ازه‌جک بر حالده
 اولماسی لازمدی .

بر دولتک هر هانکی بر طرفده حرب ایتمسی ، شبهه‌سنز
 دیگر حکوماته قارشی ضعفی انتاج ایدر . بزه هیچ بر ضرری
 اولمایور دییه اعلان ایتدیکنز ایتالیا حربی غیر محسوس بر
 صورتده منابع حربیه‌مزی کیریوردی . دوننامزک هیچ‌لکی
 طرابلس ایله هر درلو مواصله‌مزک انقطاعنه سببیت ویرمش
 ایدی . مصر وتونس طریقیه و مصارف عظیمه اختیاریه
 طرابلس‌ده‌کی قوه حربیه‌یه جیخانه ، ارزاق وسائر کوندره

بیلیوردق . بو کیزلی یوللاری ادامه ایچون پک چوق خفی
 مأمورلرک، قومیسونلرک ممالک اجنیهده بولوندورولماسنه و بو
 یوزدن لزوملی لزومسز پک چوق پاره صرفه مجبور اولیوردق .
 طرابلس و بنغازیده جمع ایدیلن عرب مجاهدلره پک چوق
 اجرت ویریوردق . بوندن باشقه ایتالیا نیک بزی صاحبه اجبار
 ایچون آرنافودلغه عسکر اخراجی بر زمان احتمالات داخلنه
 کیرمشدی . بوکا فارشی آرنافودلقدده خیلی مصرف اختیاریه
 بر اردو جمعه مجبور قالمشقدق .

مرمره و قارا دکنزدن ماعدا بوتون دکنزدرده مواعلاتمز
 کیلمشدی . تجارت خیلی سسکته دار اولمش ایدی ؛ یمن ،
 و حوران ایچون کوندردیکمز قطعات اورالرده قالمغه مجبور
 اولمشلردی . دونما هر کون استیم اوزرنده دورارق قیمت
 حربیه سنی ضایع ایدیوردی . اوتدهده بریده بولونان اوراق
 تفک کیلرده برر بر ایتالیا دونماسنک تجاویزه محمولیورلردی .
 بوتون شواحوال عادی بودجه سننده کی دائمی آچینی هر
 سنه خارجی استقراضلره قاپادان بر حکومت ایچون نه قدر
 مددش بر زیاندی . حال حرب حسبیله پاره تدارک ایدمه مک
 مجبوریتی ده وارایدی . پارمیز بر حربک ادامه سی غیر نابلدی ،
 بناء علیه ایتالیا حکومتیه اجرا ایدیلن حربک روم ایلیددظهور
 ایدمه جک حربه قارشى دولت عثمانیه نی بویوک بر ضعفه دوچار
 ایدمه جکی آشکارایدی ؛ غزته ستونلرنده بزه ضرری دو قومادیغنی

اعلان ایتمک کندی منی آلداتمقدن باشقه برشی دکلدی . بوندن باشقه ایتالیانک طرابلسه تجاوزنی منع ایتمک ویا ایتالیانلری طرابلسدن سوروب چیقارمق، دکره دوکمک قدرت حربیه مزک خارجنده ایدی . شو حالده طرابلس سفرینک بزم ایچون آنجق دشمن حرکاتی توقیف و تأخیردن وبو صورتله نسبةً مساعد بر صلح امکاتی تأمیندن عبارت اولاجنی شبهه سز ایدی ؛ بناءً علیه ناموس عسکریمیزی قورتاردقدن سوکرا ایتالیا ایله آزه چوغه باقمایه رق صلح ایتمک لازمدی . ناموس عسکریمیزی قورتارمق ایچون طرابلس لوقاسنی ایتالیانلره قولایجه هضم ایتدیرمه مک ، دونماسنک یاردیمیله ساحله یرلشدکدن سوکرا داخله دوغرو ایلرله مسنی تأخیر و توقیف ایتمک کافی ایدی . شو صورتله ا کسه مزه طووقات آتیلنجه المزده کی لوقا آلمانلار اولاجق ایدی . وسعمنر نسبتنده مقاومت و ایتالیانلری اضراردن سوکرا نسبةً مساعد شرائطله طرابلسدن فراغت ایدیله جک ایدی .

احتمال که بر قاج سنه متماًدیا ایتالیانلره مقاومت و اونلرک ایچری نفوذلرینی منع ایتمک قابل ایدی ؛ فقط وطنمیزک اقسام سائر سنده دوچار اولاجغیمز ضرر لر بی حد و حساب اولاجقدی . یالکزی یمنده قرق الی طابور عسکرک معطل قالماسی ، پاره تدارک ایدیله مه مسی ، ایتالیانک متفق اولان آلمانلارک اسلحه و مهمات حربیه و یرمه مسی و شو صورتله بالقانلرده ظهور ایدیه جک بر حربیه

قارشی ضعیف بولونمق مجبوری تی بزی صلحه اجبار ایدہ جک
اسبابدن معدوددر . یوقسه دمیاطہ پرنجه کیدرکن اودہ کی
بولغوردن اولورز؛ نته کیم اولدق: طرابلسی قاچیرمایہ لم دیرکن
قوجه روم ایلی یی قایدیردق . حربک موجب اولدینی فلا کتئر
وتخریبات ده جابا ...

ایشته اسباب معروضه حسیله درت بش آی مقاومتن
صوکرا ایتالیا ایله عقد صلح ایدیلہ لیدی .

ایتالیانک اعلان حربندن صوکرا موقع اقتداره کلن قابینه
بدایتده نه قدر آثار احتراز کوستردیسه، بالآخره، طرابلسده
برقوه مقاومه جمع وادامه سی ایچون کیزلی وسائط ویوللرتدارک
ایدنجه، اونسبتده جرأتکارلق ایتدی. اعلان حربی متعاقب اوروپاده
قایی قایی دولاشه رق دول معظمه نک بیهوده یرده توسط ومعاونتی
تأمینه چالیشدی. حال بوکه دول معظمه سائر نک بیطرفلقرینی
تأمین ایتهدن، ایتالیانک بویله برایشه تشبث ایتیه جکی آشکار-
دی. بوندن باشقه همان اعلان حربی متعاقب اظهار عجزایدرك
تسلیمیت کوسترمک شبهه سز پک فنا برحرکت، استقلال وطن
ایچون پک مضر برمثال ایدی. قابینه نک بالآخره تمديد مقاومت
چاره لرینی بولونجه تبدیل فکر ایدهرک مصالحه ده استغنا کرانه
حرکت ایتیمی بدایتده کی استعجال ایله بویوک بر تضاد تشکیل
ایدر؛ بونی آنجق شوو صورتله تأویل ممکندر: « بدایتده
مقاومت امید احتمالی کورمدیکندن اوروپایه مراجعت ایتدی؛

بالاخره چاره بولونجه وضعیت سیاسیه یی دوشونمکسزین مصالحه ده استغنا ایتدی . «اگر بویله ایسه بویوک برغفلت سیاسییه اثری کوستریلدیکنده شبهه یوقدر؛ چونکه روم ایلیده کی وضعیت سیاسییه وعسکریه مزك کوروجی بر کوزله تدقیق اولونمادیغنه دلالت ایدر .

بر یاندن ایتالیا حربی بویله سطحی نظرانه تأمل و اداره اولونورکن دیگر طرفدن مسائل داخلیه حکومتی حال اشباعه کتیرمکده ایدی .

هر مملکتده دکل بر حرب، خارجی بر تهلکه بیله موضوع بحث اولدینی زمان بوتون اختلافات و منازعات داخلیه موقته بیراقیلیر ؛ هر کس حرصی ینر ، صوصار : رقابتلر کومولور ؛ هر کسک انظاری خارجی تهلکه یه ویا دشمنه منعطف اولور ؛ بوتون افراد ملت هر دورلو مساعیدینی خارجی تهلکه یی حسن صورتله دفعه ، ویا باشلانان حربی شان و شرفله ختامه ایردیرمکه صرف ایدر . موافق ، مخالف هر شخص حیاتندن ، مالندن ، جانندن فدا کارلق ایدر . وطنپرورلک ، حمیت آنجق بودورلو حرکتی استلزام ایدر . صورت عمومیه ده پارلامنتو اجتماع ایتمز . چونکه پارلامنتونک مذاکراتی اکثریا مناقشات سیاسییه سبب اولور . حال بوکه خارجی تهلکه ویا حرب حس بیله حکومتک پارلامنتو ایله اوغراشه جق وقتی یوقدر . مجلس مبعوثان ویا اعیان بعضاً غیراختیاری سؤال ویا استیضاحلرله حکومتی مشکل

موقەئە سوقار ؛ امور خارجیەیی تشویش ایدر .
 حال بوکە بز ، بوتون ھېمز شو اساسلرە تەمامیلە مخالف
 حرکت ایتدک . موقەئە اقتداردە بولنان قاینەدە وظیفە وطنیە سنی
 ایفا ایتدی . اولاً ایتالیا حربنە قدر موقەئە اقتداردە بولونان
 قاینەیی بو حرب ایچون تسیب واهمال ایلە اتھام ایتک ، دیوان
 عالی یە کوندرمک ایستەدک . حال بوکە بر حرب اثناسندە دوشو-
 نولە جک شی منحصرأ او حربی شان و شرفلە اکال ایتمکدن
 عبارتدر . حربدن اول واقع اولدیغی ظن اولونان تسیب ، اھمال
 و سائرەنک حساباتی بعد الحرب رؤیت و تصفیە اولنور . حرب
 اثناسندە بویلە شیلرلە اختلافات و تشوشات سیاسیە تزییدایدیلر .
 باخصوص ، اتھام ایدیئک ایستەن قاینەنک بعض اعضایی ،
 طرابلس مدافعە سندن مسئؤل اولان ارکانی یکی قاینەدەدە عینی
 مقاماتی اشغال ایدیورلردی .

بوندن باشقە مجلس مبعوثان اجتماعاتە دوام ایدیوردی ؛
 مخالف فرقە مخالفتی حیتسزک مرتبە سەنە واردیردی ؛ مذاکراتی
 تعقیب ایدنلر بومملکتک خارجی بر دشمنلە حرب ایتدیکنە اصلاً
 احتمال ویرە مزلردی . بوکا مقابل حکومت حربی وسیلە اتخاذا
 ایدەدک مجلس مبعوثانک مدت اجتماعی تنقیص و پارلامنتوی
 تعطیل [*] ایدەجکی یردە فوق العادە مضر بر تدبیر اتخاذا ایتدی .

[*] قانون اساسی بوکا مساعد کورولوزسە ، بوبادە یکی بر مادە
 تکلیفی ھر حالە ۳۵ نجی مادەیی تعدیلدن دھا خیری ایدی .

۳۵ نجی ماده‌نی تعدیل ایتک بهانه‌سیله مجلس مبعوثانک فسخته ویکیدن کندیسنه مساعدا انتخابات یاپدیرمغه قرار ویردی. کرچه بو طریق، پارلامنتواصولیله اداره اولونان مملکتلرده مرعیدر؛ فقط دغدغه‌سی و مشکلاتی، انتخابات حسبیه مملکتده وقوعه کله جک هرج و مرج آنجق آسوده زمانلرده قوللانیلمغی استلزام ایدر. برحرب ائناسنده پارلامنتو مذاکراتنه تحمل ایدمه‌ین وضعیت خارجیه مجلس مبعوثانک فسخته ویکدن انتخابات اجرا- سنه اصلا مساعد دکلدز. حکومت هرایشنی بیراقدی؛ اوزون مدت پارلامنتو ایله مجادله ایتدی. کیجه‌لی کوندوزلی مساعیسی پارلامنتوده ایراد ایدیله جک نطقلره، حکومتک نقطه نظری مدافعه‌یه حصر ایتدی. مسائل خارجیه، وطنک خارجی دشمنلره، قارشی امنیت و محفوظیتی اونودولدی.

برطرفدن یمنده چارپیشان براردو، دیگر طرفدن ناقص وسائطله بر دولت معظمه‌یه قارشی طرابلسی، بر جزو وطنی آفریقاده کی صوک حاکمیتیزی مدافعه‌یه چالیشان مجاهدین هپسی اونودولدی. . یمن جبالنده، طرابلس صحرالرنده پک چوق وطنداشیر فدا‌ی نفس ایدرکن پایتخته‌ده حکومت مجلس مبعوثان ایله اوغراشیور؛ مخالف فرقه هر دورلو حمیت و وطنپر- ورلکی آیاق آلتنه آله‌رق حکومت و استناد ایتدیکی فرقه‌یه هجوملر اجرا ایدیور ایدی.

حال بوکه نام بواثناده بالقان حکومتات صغیره‌سی یکدیگرینه

تقرب ایدیورلر: وباش باشه ویره رک بزم ضعف داخلی وخار-
جیمزدن استفاده چاره لرینی تأمل ایلورلردی .

(عثمانلی - ایتالیان) حربی حسیله ایتالیانلرک آرناوودلغه
وما کدونیاہ تجاوزلری احتمالاتی موضوع بحث اولونجه بلغارلرله
صربلر ما کدونیاہ بر باشقه دولتک نفوذ ایتہ سہ نہ مانع اولمق
ایچون تدبیر دوشونمکہ باشلادیلر . دہا بو حربدن اول یونان
رئیس وکلاسی (وہ نیزہ لوس) غیر رسمی وسائطلہ بولغارستانہ
اتفاق تکلیف ایتشدی ؛ ۱۳۲۶ سنہ سندہ صوفیہ یہ کوندردیکی
یکی یونان سفیری (پاناس) ہر ایکی حکومت آراسندہ کی مناسباتی
امکان نسبتندہ اییلشدیرمشدی . بولغارلو یونانلیرلہ رسمی
مذاکراتہ کیریشمہ دن اول صربلرلہ او یوشمعی تنسیب ایتشلردی .
ایتالیا حربنک ظہوری بوتصوراتک موقع اجرایہ وضعنہ سبب
اولدی .

دیگر طرفدن روسیہ ، دولت عثمانیہ دہ داخل اولمق اوزرہ
بر بالقان اتفاقی وجودہ کتیرہ میہ جکینی آ کلائیجہ ، عثمانلیرہ
قارشی متباقی بالقان حکوماتندن بر ہیئت متفقہ تشکیلی ایچون
چالیشمغہ باشلامشدی . بومقصدلہ ۳۲۵ سنہ سی صوک بہارندہ
بلغرادہ (پان سلاویزم) مروجلرندن (ہارتوبغ) نامندہ بر
سفیر کوندرمشدی ؛ بر آ ز صوکرا دولت عثمانیہ قارشی دوستانہ
حرکتہ وعثمانلیرلہ برابر بر بالقان اتفاقی تشکیکنہ طرفدار اولان
درسعادت سفیری موسیو (چاریقوف) ی دہ تبدیل ایتشدی . دہا

اوزمان، چاریقوفک تبدیلی روسیه نك دولت عثمانیه یه قارشی سیاستنی دکیشدیره جکنی ایما ایتمش و بویولده غزته ستونلرنده پك چوق یازیلر یازیلشدی. ۳۲۷ سنه سی بدایتده بولغارستانده که شوف قابینه سنك تشکلی متعاقب هارتوبغك تأثیرله بولغارستانه صر- بستان آراسنده بعض تشبثات وقوعه کلدیسه ده اتفاق تمایلاتی (عثمانلی-ایتالیان) حربنه قدر صراحت و قوت پیدا ایده مه مشدی.

حربك ظهوری صربستانده ایتالیا و آوستریا یه قارشی ماکدونیا و آرناوودلق ایچون اندیشه تولید ایتدی. صرب رئیس وکلاسی (میلووانوویچ) ائتلاف مثلثی تشکیل ایدن انکلتیره، فرانسه و روسیه حکومتلرینه شو بیانانده بولوندی: «(عثمانلی - ایتالیان) حربك بالقانلره عکس تأثیر یاماسی محتملدر. بویله بر قاریشقلق حالنده صربستان کندی منافعی مدافعه ایتك ایچون ایجاب ایدن تدابیری اتخاذ ایده جکدر.»

عینی زمانده صرب و بولغار منافعنك تأمین مقصدیله بر ائتلاف عقدینی بولغارستانه تکلیف ایچون صوفیه ده کی سفرینه تعلیمات قطعیه ویردی. بواثانده (که شوف) غربی اوروپاده ایدی. وضعیت سیاسی نك بولانماسی اوزرینه هان مملکتته عودت ایتدی. ویانده بولغارستانك پارس، برلین، روما و ویانه سفیرلرینی طویلایاراق احوال سیاسی حقه ده اونلرله مداوله افکارده بولوندی. اکثریت بولغارستان ایچون فرصت زمانك حلول ایتدیکنه قانع ایدی. بالخاصه روما سفیری ریزوف بوحالك

صوك فرصت تشكىل ايتديكنى ادعا ايتدى . نهايت كەشوف صوفيه دوزكن ۱۳۲۷ سنهسى ايلولنك ۲۸ نجى كونى (بلغراد - صوفيه) دمير يولنده واغون اچرىسندە صرب باش وكيلى ايله ملاقات ايتدى ؛ هر ايكيسى نيش دە دمير يولندن اينەرك بيرلكدە (لا پروو) قريەسنە كيتديلر .

ايشته بوملاقاى متعاقب صربلرك صوفيه دەكى سفىرى (اسپالاقوويچ) مذاكرات رسميه ابتدار ايتدى . مقصدك افشاسنە مانع اولمق اچون بولغارلردن يالكرز باش وكىل كەشوف ايله ماليه ناظرى طودوروف وكەشوفك رفقاسندن صوبرانيه رئيسى دانەف مذاكراتدن خبردار ايديلر . كذا صربلردن دە باش وكىل ميلووانوويچ ايله خارجيه ناظرى پاسيچك وصوفيه دەكى سفىر سپالاقوويچك معلوماتى واردى . بالطبع اساسى روسيه حاضرلاديغندن بعض روس رجالى ده ايشە آكاه ايديلر .

۳۲۷ سنهسى كانون ثانى وشباط آيلرنده يعنى بز پارلمنتو نجادله لريله بونالديغمز ، خارجه عطف اهميت ايتديكمز زمانلرده صربلرله بولغارلرله دها زياده شوق ونشئە كلش ومذاكرات كرمى پيدا ايتمش ايدى . بزده پارلامنتو ايله حكومت بربرينك كوزينى اوياركن بولغارستانده صوبرانيا قراله ، دوغرىدن دوغرى يە حكومات اجنيه ايله كيزلى معاهدات سياسيه عقدى صلاحيتنى وىردى . ۲۰ كانون ثانى ۱۳۲۷ تاريخندە بولغارولى عهدى پرنس بوريسك سن رشده مواصلىت حسييله صوفيه دە ياپيلان

شەكلىگەرە بوتون بالقان حكومتلىرىنىڭ وبالخاصە يونانك ولى
عهدلىرىنى كوندىرمك صورتىلە اشتراكلىرى بالقان حكوماتى
آراسىندە برائتلاف حصول بولدىغىن اىما ايدىيوردى .

نهایت ۲۹ شباط ۱۳۲۷ تاريخىندە (بولغار - صرب)
اتفاقي امضالاندى :

بو اتفاقنامە اساساً اوچ مقاولەدن مركىدى ؛ برنجىسى
مخالصت و اتفاق عهدنامەسى ايدى . بو وثىقەدە اول باول ايكى
مملكەتك استقلال و تماميت ملكيه حقنە متقابلاً يكدىكرىنە
اعطا ايتدىكى تامينات تصريح اولونمىشدر .

بوندىن سوكر ايكى حكومتك، توركي ا اداره سنده كى بالقان
اراضيسندن هر هانكى بر قسمنى، ولو كە موقتە اولسون، الحاق،
اشغال ويا استيلا مقصديلە بر دولت اجنبىلە طرفدن واقع اولاجق
تشبىلرە قارشى مشتركاً مدافعه دە بولونا جقلىرىنى تعهد ايتدىكلىرى
محرردر .

ايكنجى مقاولە برنجىنىڭ خفى ذىلى اولوب بوندى حكومت
عثمانىلە علمىنە مشتركاً حرب ايدىلمىسى احتمالندن بحث اولونمىشدر .
بو حرب ، يا توركيادە اغتشاشات داخلە نتيجهسى اولارق
طرفين عاقدىن مداخلە لزوم كورونجە ، ويا بالقانلردە
استاتوقونك بقاسى اسباب داخلە ويا خارجەدن دولايى مخاطرەدە
قالىنجه ظهور ايدە بىلە جكدى . ذىلك قسم متباقيسى حربك
نتيجه سنده الدە ايدىلە جك اراضىنىڭ صورت تقسيمە عاندر .

اۈچىنچى ماقولە ايسە برنجى ماقولەنك برمادە سەندە صورت مخصوصەدە عقد ايدىلەجكى محرر اولان ماقولە عسكەرىيە دن ، مشترك حرب پلانندن عبارتدر . ايلك ايكي ماقولە بولغارستان و صربستان قراللىرىلە باش و كىللىرى طرفدن امضا ايدلى ؛ اۈچىنچى ماقولە ايسە بالاخرە ھرايكي اردونك اركان حربىيە عمومىيە رئيسلىرى طرفدن تذكر و تنظيم اولونار ق امضالانمىشدر . ۱۳۲۷ سەنەسى كانون ثانى آيى طرفندە صربلرلە اتفاق عقدى ايدىن اىيە تقرر ايدىنچە ، بولغارلر شباط ابتداسندە يونانلىلرلەدە مذاكرات رسمىيە ابتدار تشبىشندە بولوندىلر ؛ اولجە وە نيزە لوس طرفدن غير رسمى بر صورتدە واقع اولان تەكلىفلرە مستنداً شىمدى يونان حكومتك صوفىيە سفىرى (پاناس) واسطەسىلە اتفاق تەكلىفىنى رسماً درميان ايتمىسى لزومنى وە نيزە لوسە اسماع ايتدىلر . پاناس ايكي حكومت بىنئەندەكى اختلافاتى ازالە و مودت تأسيسى خصوصندە چوق غيرت و ھمت صرف ايتمىش اولدىغىدن بولغارستانك توجه و اعتماد مخصوصنى قزانمىش ايدى . يونان باش و كىلى وە نيزە لوس ، بولغار تەكلىفندن ھان استفادە ايدەرك اتفاق ايجون مذاكرات رسمىيە ابتدار اولوندى .

نھايت ۱۶ مائس ۱۳۲۸ . تاريخندە صوفىيەدە كەشوف ايلە پاناس آراسندە (بولغار - يونان) اتفاقى امضالاندى . بو اتفاقنامە نك دە اساسى ، ھرھانكى برسېدن دولايى طرفين عاقدىندىن برى حكومت عثمانىيەنك تعرضنە دوچار اولورسە بوتون قوتلرلە

يکديکرينه يارديم و آنجق بيرلکده مصالحه ايتمکدن عبارتدی. هر نه‌صورتله اولورسه اولسون حقوق مختل اولماسی ده حکومت عثمانیه‌نک تعرضی کبی تلقی اولونیوردی. شو حالده ظاهرده تدافعی فقط حقیقته تدافعی و تعرضی اتفاق عقد ایدیلش ایدی؛ چونکه حقوق مختل اولدیغنی ادعا ایتک ایچون پک چوق وسیله و بهانه ایجاد اولونا بیلردی.

بوتون بوايشلر بزم عليهمزه دونرکن ؛ بوتون طوزاقلر بزه قارشی قورولورکن بزه نه یاپیوردق ؟..

خارجی بر دشمنله حرب ایتمک کمزه رغماً بر بر مرزله بوغوشیوردق؛ هیچ بر طرف سلامت وطن ایچون فداکارلق ایتمه‌یور؛ مهالك خارجیه اصلاً نظر دقته آلمان یوردی. حکومتک بوتون مساعیسی مجلس مبعوثانی فسخ ایتک ویکی انتخاباته کندی طرفدارلرینی طویل‌امق جهت‌لرینه معطوف ایدی. مخالفلرده هر نه‌صورتله اولورسه حکومته ایقاع مشکلاتدن چیکنمه‌یورلردی.

قیش کچمش ایدی؛ ایتالیا ایله بش آلتی آیدن بری طرابلسده حرب ایدیلکده ایدی. ایتالیا-انلرک داخله تجاوزلری عقیم بیر اقیلمش و بو خصوصده ایچه ضایعات ویردیریلشدی. آرتق مصالحه ایده‌رک بالقانلرده ظهور ایده‌بیله‌جک هر هانکی بر حربه قارشی حاضر لاقمق، بوزولش اولان ترتیبات عسکریه‌مزی دوزه‌لتمک، بوشالمش اولان خزینه‌مزی بر معتاد استقرار ایله

دولدور مق لازمدي ؛ فقط قوف برغرور هيمزي ، بالخاصه
 زمامداران اموري استيلا ايتمش ايدى : «شانلى اردونز تجاوزات
 »ضاربيني هر زمانه دفعه تافيدر؛ اوروياسرافلري هر زمانه بزم
 «كبي بورجه صادوق مشربيله ياره اقراضه ايمر.» ديوردق .
 حال بو كه شانلى اردونك ماهيت حقيقه سنى ايش باشنده كيلر ادراك
 ايتمه يورلردى ؛ براردودن اللى آلتمش طابورك يمنده ، حوزانده
 داغنيق بولونماسى ، تعليم و تربيه اهميت ويريله مسى ، دميريوللرك
 و وسائط بحريه نك محدوديتى ، پاره نك قلتى ونهايت اردونك
 يكيدين تنسيقنه ابتدار اولونماسى ، اسكى ما كنه نك بوزولمش
 ويكيسنك هنوز حسن ايفاي وظيفه ايدى جك برحاله كلمه مش
 اولماسى كبي شيلرك وقوعى محتمل بر حربه نه كبي فناقلرايرات
 ايدى بيله جكى تقدير ايديله ميوردى ...

مشروطيتك اعلانندن برى بلا پروا تطبيق ايتديكمز سياست
 ماليه نك ده سربستى اقتصاديمزى تحديد ايتديكى اصلا نظر دقته
 آلتمايوردى : هر سنه عادى بودجه سنده ، كليلى آچيق ويره ن
 و بو آچيغى استقراض خارجى ايله قاپادان بر حكومت ، آياغنى
 يورغانه كوره اوزا تمايارق دائما بورج ايله ياشايان بر مسرف
 ديمكدر ؛ مصارف عادييه ي قايتمق ايچون بورجه مراجعت ،
 ييه جك اكمكنى بورج ايله تدارك ديمكدر ؛ بورج ويرنلر يوز
 چويرنجه ويا حرب كبي بر حال فوق العاده ظهور ايدوب
 بيطرفلق حسيله حكومات اجنيه تبعه سى اقراض ايدى مه نيجه ،

نهایت آچلق باش کوستیر . نته کیم پاره سزلق بوتون حرب
 اثناسنده تأثیرات مضره سنی اراه ایتمش و صوک زمانده
 حکومت الک عادی و مبرم مصارفنی ، اردونک و مأمورینک
 معاشاتی آیلرجه تأدیه ایده مه مشدر . مالی اوروپا هیچ بر زمان
 ال اوزاندیغمز زمان همان بزه پاره ویره جک بر منبع دکدر .
 اقراض واستقراض مسئله سی ده باشلی باشنه بر سیاست تشکیل
 ایدر . بو حال اوته دن بری معلوم و بزجه متعدد تشبثلرله مجرب
 ایدی .

استقراض آنجق فوق العاده مصرفلر ایچون و مستثنا زمانلرده
 یاپیلیر . بورج پاره ؛ بویوک بر شبکه طرق ، دمیر یولی انشاسی
 کبی تشبثات جسیمه صناعیه ، دفعة اردونک طوپلرینی ، تفنکلرینی
 دکیشدیرمک و یا دونمائی احیا ایتمک کبی مستثنا مصرفلر ایچون
 تدارک اولونور ؛ نته کیم بر خانه صاحبک ده دوکون یایمق ،
 اویا پدیرمق کبی فوق العاده مصرفلر ایچون بورج ایتسی مجازدر ؛
 یوقسه ایلریده معاشمک آرتماسنی محتمل کوردیکم جهتله شمیدین
 قاپوی بویوک آچارق آجینی بورج ایله قاپادیرم دیمک حماقتدن
 باشقه برشی دکدر .

حربک نه قدر بویوک مصارفی موجب اولدیغنی و آنجق
 پاره ایله دواملی وثباتکارانه بر حرب اجراسنک ممکن بولندیغنی
 اثباته لزوم یوقدر . آلمانیا کبی زنکین بر دولت معظمه نک بیله
 حرب آقچه سی اولق اوزره (شپانداو) ده حبس ایتدیکی میلیونلر

هر كسك معلوميدر . شو حالده هر سنه عادي بودجده آچيق ويرمه نك نه سقيم بر سياست ماليه اولديغي ، قابليت حربيه مزي نه درجدهده تحديت ايتديكي تبين ايدر .

اطرافزده كي قومشودولتلك عليهمزده دولاب چويردكاري بر زمانده بزم ، هر شيدن بي خبر ، داخلي احتراصلر آراسنده پنجه له شمكل كمز ديپلوماتلر مذك هيچ بر صورتله يوزيني آغار- تاجق برشي دكلدر . بالقان حكومات صغيره سنك بزم حقمزده نه كي افكار بسله دكاري اوتندن بري معلومدي . ماكدونيا مسئله سي كچن (عثماني-روس) حربندن بري موجود ومعلقدي ؛ ماكدونيا ايچون دفعاتله اختلاف مسلح ظهوري تهلكه سني آتلاشمش ايدك ؛ بناءً عليه بالقان حكومات صغيره سنك دائماً فرصت بين اولدقلى آشكار ايدى .

(عثماني-ايتاليان) حربنك ظهوري بالقان دولترلنده يكيدين اميدلر ، امللر اويانديرمشدى ؛ بو دولتلك منفرداً ويا مشتركاً بزه قارشى حرب ايتلملى هر زمان ممكن ايدى ؛ هر بريسي كندى احتراصاتى تسكين و تطين ايدجك پارچه لره نائل اولابيليردى . شو حالده حكومات مذكوره بيننده موقه بر اشتراك حصولنى مستحيل عدايتكه هيچ برسبب يوقدى . حتى بوا احتمال خاقان سابق زماننده بيله دفعاتله نظر دقته آلمش وبوكا قارشى ابي كوتو تدبيرلر اتخاذه چاليشلمش ايدى : بوچيلاق حكومتلك معترض اركاننه بعضاً پاره ، بعضاً رتبه ، بعضاً نشان

بعضاً مساعدات اقتصادیه ویره رک هربری منفرداً جلب ایدیلر
 وعلیمزه اتفاق ایتلمرینه میدان ویریله مک ایسته نیردی؛ قره داغ
 قرالنه ، اوغلنه ، قاریسنه ویریلن کیمیلر ، پاره لر ، رتبه لر ،
 کوبه لر مشهوردر [*]. عسکری پلانلر تنظیمنده درت بالقان
 حکومتک مشترکاً بزه اعلان حرب ایتلمری احتمالی دائماً نظر
 دقته آلمش ایدی ؛ کرچه بالقان حکومتات صغیره سی میاننده
 موجود عرق ومذهب اختلافاتیه بعض رقابتلر بونلرک اساسلی
 بر صورتده بر هیئت متفقہ وجوده کتیرملرینه مانع ایدی ؛ لکن
 اشتراک منافع حسبیله جمله سنک بر رقیبه قارشى موقه اتحاد
 ایتلمری پک اعلا ممکندی .

بو احتماللر موجود اولونجه بوتون مأمورین سیاسیہ نک
 باشلیجه دوشونجه لری ، بالقان اتفاقنه میدان ویرمه مک وبو
 اتفاقک وقوعی در عقب کشفه چالیشه رق تداییر لازمه اتخاذه
 ایچون حکومته وقت بیراق اوله جقدی . حال بوکه نه داخلده کی
 ونه خارجده کی مأمورین ورجال دولتمز بو بایده صرف همت
 ودقت ایتیه ورلردی . هله سفارتخانه لر مزارکانک او یودقلرینه ،
 آییق زمانلرینی رخاوت ویاقار و سفاهت ایله کچیردکارینه هیچ شبهه
 یوقدر . صوفیه سفارتخانه سندن چالینان اوراق مسئله سی میدانده در .

[*] بز دور مشروطیتده هم بونلری کسک ؛ هم قدرت وقابلیت
 عسکریه منی اونلری صوصدوراجق بر درجه یه کتیرمدک ؛ (استحضاً .
 رات عسکریه ده کی نقصان) بحثنه مراجعت .

مأمورین خارجیه نك اوفاق برهمتی (بولغار - صرب) و (بولغار - یونان) اتفاقلرینی كشفه کافی ایدی : چاریقوفك درسعادتن انفكاکی ، بلغرادده روسیه سفیر جدیدی هارتوبغك افكار سیاسیه سی وبلغراد محافیلله صیقی تشبثاتی ، كەشوفك ویانهده بولغار سفیریلە مذاكراتی كەشوف ایله میلووانویچك واغونده ونیش جوارنده ملاقاتلری ؛ بولغار مجلس مبعوثانك معاهدات خفیة سیاسیه عقدی صلاحیتنی اعطاسی ، صوفیهده کی شنلكاره بالجله بالقان ولی عهدلرینك بالخاصه یونان ولی عهدینك اشتراکی کی امارات بالقان حكومتلری مناسباتنده بر فوق العاده لك اولدیغنی افهامه کافی ایدی ؛ وقایع ماضیه و (عثمانلی - ایتالیان) حربی حسیلله حكومتك دوچار اولدیغنی ضعف دلائل مذكوره ایله قارشیلادیریلنجه بزم علمه مزه بر اتفاق احتمالی میدانە چیقار ایدی .

بالخاصه بلغراد ایچون مسئله پك قولاییدی . بلغرادده عثمانلی و آوستریا سفارتخانه لرینك منفعتی مشترکدر . هرایکسی ده همان عینی وظائف ایله موظفدر ؛ برینك كشفیاتی دیکرینك دأما ایشنه یارار . بناءً علیه بو واسطه ایله ده یکی كلن روسیه سفیری هارتوبغك مساعیسی درعقب آ کلاشیلابیلیدی .

مسلك سیاسی خارجیمز ، اكر وارسه بوتون بالقان حكو-
ماتنه قارشی مخاصمه دن عبارت ایدی : صربستانه قارشی آدریاتیک
دمیر یولی مسئله سنده مساعده كارلق ابراز ایده رك دوستلغنی

تأمین ایتدک. قره داغلیرلرک عائداتی کسه رک مالیسور عصیانلرینه سبب اولدق. بولغارستان ایله آردمزده پک چوق واکثریسی حقیقه غیر قابل حل مسائل وار ایدی. یونان ایله آرامزده معلق قالان کرید مسئله سنک ده دائمی بر منبع فساد تشکیل ایتدیکنه شبهه یوقدر. «کرید بزم جانمز، فدا اولسون قانمز».. اوت، پک مشکور بر سعی اولمق اوزره بر زمانلر یونانه قارشی قوای تجاوزیه احضارینه چالیشلمش ایدی. او زمان هنوز آودرونی تدارک ایتمه مش اولان یونان دونماسنه تفوق ایچون ابی فدا کارلقلر ایدیش ایدی. بوکا رغماً کرید مسئله سنک لهمزه حلتیه اوروپا دول معظمه سی هیچ یاناشمایوردی. کرک بزه وکرک یونانه قارشی «شیمدی مسئله نک حل زمانی دکلدرد» جوابی ویریلیوردی. بو جوابدن کرچه عوام برشی استخراج ایدمه مزسه ده، بونده رجال حکومتک هر حالده آکلایاییله جکلری، آکلایا لاری لازم پک چوق شیلر واردی. بز یالکیز یونانه قارشی بر اوجبراً قوتلی ایدک. مشروطیت اعلان اولونمش، و اوج درت سنه دنبری پک اعلا تطبیق اولونیوردی. شو حالده مسئله نک حلنی باشقه زمانه تعلیقدن دول معظمه نک کوزتدیکی مقصد نه در ؟ .. بزم ده قوتلی اولما مزه انتظار ایسه بوکا لزوم یوق، فقط بالعکس بزم صیقتلی بر زمانمزده (بوسنه - هر سکه) نظیره اولمق اوزره بر امر واقع وجوده کتیرتمک ده ها زیاده ملحوظدی ؛ بناءً علیه بو مسئله نک حلنی تعلیقه راضی اولمق

هر حالده بزم ايچون مضردى ؛ اى كوتو بر نتيجه يه باغلامق لازمدى .

(عثمانلى - ايتاليان) حربى ظهور ايدنجه ، دونماز بالجبوريه چاناق قلعه دن ديشارى چيقامادى . شو حالده يونانه قارشى آرتق تفوق بحريدن بحث ايتك بالطبع ممكن دكل ايدى . ذاتا يونان اوزمانه قدر آوه روفى تدارك ايدرك موازنت بحريه يى تاسيس ايتمش ايدى ؛ فقط بز عناد جاهلانه ايله تك آوه روفك كندى كميل مرزه فائق اولديغنه اينامق ايسته ميوردق ؛ بو بابده ارباب اختصاصك ارشاداتنه قولاق اصمايوردق [*] . بزم تفوق بحريز موضوع بحث اولمايجه ، كريد مسئله سنك تكرار اويانماسى پك ممكن ايدى . يونانك يا بالفعل تجاوزى ويا برآ كندى بر استيلايه معروض بر اقامق ايچون ديكر بالقان حكوماتيله تشريك مساعى ايتمشى قابل ايدى . بر كريدلى آوو قاتك اتنيه كلوب يونان قابينه سنه رياست ايتمشى هر حالده كريد مسئله سى ايچون بزه خيرلى اولمايه جقدى . اير كچ باشمزه بر كلاه كچيره چكى بديهى ايدى . فى الحقيقه ده ايتاليا حربندن اول (ونيزه لوس) بولغارستانه مراجعت ايدرك بر اتفاق عقدى تشبثده بولونمش ايدى ؛ بناء عليه ، هيچ اولمازسه ، ايتاليا حربى ائناسنده موقت اويوشمه لر قيبيلندن كريده مقابل يونان ايله عقد اتفاق ايديله بيليردى . خير ، بز هر كسه قارشى

[*] (بحريه يه اهميت ويرمه مك) بحثنه مراجعت .

میدان او قودق .. حالبو که قوتمز ، یالانجی پهلو انلقدن باشقه بر
شی دکلدی؛ فقط بز بونی ادزاک ایتمه یوردق ؛ و کندمزی پک
قوی ظن ایدیوردق ...

ایشته کورولیور که دیپلوماتلر مز، بو قدر دلائل قارشیسنده
بالقان اتفاقی نه منع ونه کشف ایده مدیلر . سیاست مالیه ده
اولدینی کبی سیاست خارجه ده ده بحریکسنزلک هر طرفه
حکم سوردی. ظن ایتمه لم که یالکنز عسکرلر روم ایلی فلاکتدن
مسئولدرلر ؛ مأمورین مالیه و خارجه مزده بو فلاکتده اهمال
وتسیبلریله ذی مدخلدرلر . اردو وظیفه سنده نه قدر جهالت
وبحریکسنزلک کوستر دیسه سیاست مالیه و خارجه دخی اودرجه ده
مدافعه وطنه تماس ایدن وظیفه سنده لاقیدی وبصیرتسنزلک
کوستر مشدر .

پایتخته حکومت ایله مجلس مبعوثان آره سنده کی جدال
آرتق ، بر صفحه جدیدیه کیر مشدی : نهایت حکومت
مقصدینه نائل اولارق مجلس مبعوثانی فسخه موفق اولدی .
۱۳۲۸ سنه سی بدایتده انتخابات جدیدیه باشلانندی . ینه داخلی
مسائل اقدم امور حکومت عد ایدیلیور ومهالک خارجه یه
اهمیت ویر یله یوردی .

ایتالیا طرابلسده ساحلدن ایلری کیده مه یخه بزى صلحه
اجبار ایچون تجاوزینی آطه لر دکزینده ایصال ایلدی . حالا
حکومت عثمانیه ایتالیا ایله سریع بر مصالحه یه راضی اولما یوردی .

آطەرلر برر ايكيشر ايتاليانلرک ألنه دوشدى . . زيانى يوق . .
 انتخابات جديده ده اکثریت مطلقه يي تأمين ايتمك دها مهم
 مسئله ... هر طرفه پروپاگاندا لر ... مع التأسف بعض كزیده
 ضابطلر مزده بو سياسی پروپاگاندا لر اشتراک ايتديريله رک
 انتخابات جديده ده تأمين موفقيته چالیشدیلر .

بردولت معظمه ايله حرب ايدرکن، وضعیت عسکریه وماليه من
 بر بحران کچیریرکن بوتون داخلی مسائلک تسکینی اقتضا ايدر؛
 بز بالعکس اک وخیم بر مسئله داخلیه يي حله قالقدق. مخالفلری
 ازهرک همان تماميله کندى طرفدارلر مزدن مرکب بر مجلس
 مبعوثان تشکیل ایتمکه اوغراشيورز. بویوزدن مملکتده نه کي
 بحرانلر تولد ايدر؟ بوضورتله ظهور ایده جک مشکلات داخلیه
 ايله اوغراشماق ایچون وضعیت خارجیه مساعد میدر؟ بونقطه لر
 اصلا دوشونولموردی . .

نهایت انتخاباتک قسم اعظمی بیتور؛ صانکه مجلس مبعوثانی
 طویلامق غایت مستعجل بر مجبوری و طیه ایمش کي انتخاباتک
 انتهایی بکله نه یهرک مجلس مبعوثان آچیلیور؛ مخالفلر غایت آز؛
 اعلا . . . فقط آرنالر اولدق انتخاباتی یاری یولده بیراقلمش .
 اوراده مخالف مبعوثلرک دیشیلیرلر پک کسکین ... اکثریسی
 ادبسنز لکده یکتا ... یکیدن مبعوث اولمازلرسه بر عصیان
 ظهوری محتمل . نه موقع اقتدارده کی فرقه بر آ ز فداکارلق
 ایدهرک بونلرک مبعوث اولمالرینه رضا کوستریور؛ نه مخالفلر

ایجابات حمیتی نظر دقته آلارق مملکتده شورش ایقاعندن خذر ایدیور . احتراض هرایکی طرفک کوزینی قارارتمش .. مسائل خارجییه اصلاً دوشونولمور .. مخالفلر جاهل آرناوودلری درلو درلو اغفال ایدرک حکومت قارشی عصیان ایتدیریورلر . عصیان درعقب توسع ایدیور . شمالی آرناوودلق ، بالخاصه پرشته جوارى فوران ایچنده قالیور . بر طرفدن حکومت سبب ویرمکله مهم بر خطای سیاسی یاییور ؛ دیگر طرفدن مخالفلر وضعیت خارجییه دوشونمیه رک صرف منافع شخصییه ایچون جاهل خلق آیاقلاندرمقدن چکنمه یورلر ؛ بوکا خیانت وطندن باشقه بر معنا ویریه مز . ذاتاً بو عصیانده صرب پاره سی ده ایجه رول اوینامشدی . ادریس صفرک بالقان حربی اتناسنده صربلر طرفدن ناصل آلقیشلانديغی کورولدی . پرشته لی حسن بک وسائرّه عجبا شیمدی اسقویچینایه می اعضا اوله جقار ؟ .. مبعوث اولامادم دییه خلقی عصیان ایتدیرمک موافق حمیت وانسانیتیمیدر ؟ ...

حکومت بو عصیانی تسکین ایچون عسکر سوقته قیام ایدیور ؛ بالطبع بو خطا اوسته خطادر ؛ کرچه بر آووج سبکمز آنک قازغان قالدیرماسنه قارشی بویون اکمک هیچ بر زمان موافق دکلدر . حکومت بویله شیلره قارشی اظهار عجز ومسکنت ایدرک بونلرک آئنده بازیجه اولمالیدر ؛ فقط مهالک خارجییه موضوع بحث اولدینی زمان وسائط صلحیه

ایله ایش یاتیشدیر مغه چالیشمق و یاخود موقه موقع اقتداری باشقه بر قابینه یه ترک ایدرک کندی فدا صورتیه سلامت وطنی تأمین ایتک لازمدر . آرناوودلغه عسکر سوقی شبهه منر فنا اولان وضعیت عسکریه مزى برقات دها بوزاجقدی ؛ بر مهم قوه عسکریه یمنده وجوارنده حال حضر یسیله تأدیب عصاته مأمور ؛ بونلر بر حرب ایچون الدن چیقمش ایدی . دیگر مهم بر قوتی ده آرناوودلره قارشى سوق ایدرک ایچندن قولای قولای چیقیلماز بر کر یویه سوقق اولنری ده بر حرب قارشى در عقب قابل استعمال بر حال دن چیقارمق دیمکدر . بزده اوتهدن بری عاتدر : داخلی شورشلره قارشى شکل حضر یسیله عسکر سوق ایدرز . حال بوکه بونک بر سفر برک وقوغنده نه وخیم قاریش قلقلری مؤدی اولاجغنی رجال عسکریه من ادراک ایده میوردی . ایشه برنجی فرقه نک بوتون بالقان حربنده کی حال پریشانیسی بوکا بر مثال بلیغدر [*] .

شیمدی مسائل داخلیه بوس بوتون وخامت پیدا ایتمش ایدی ؛ آرتق (عثمانلی - ایتالیان) حربی موضوع بحث اولمایوردی ؛ هرکس ، خلق ، مأمورین ، عسکرلر و رجال حکومت آرناوودلقله مشغول اولیورلردی . حتی ممالک اجنبیه ده کی سفر امن بیله وظیفه لرینی اونودارق باشلرینی شمالی آرناوودلغه ، بش آلتی آی صوکر مسکین صربلرک آیاقلری

[*] (استحضارات عسکریه ده کی نقصان) بحثنه مراجعت

آلنده پك ذليلانه چيكنه ن پرشته صحرالرينه چويرمشلردى .
 بواشاده ، بولغارستانه يونان اتفاق مذاكراتى بيتيره دك
 ۱۶ مایس ۱۳۲۹ تاريخده معاهده ي امضالاديلر؛ ينه هيمز
 خارجه قارشى غفلتده ، داخلى احتراصده بردوامز ..

ايتاليانلر ازميز جوارينه عسگر چيقاراجقلىرى ، چاناق
 قلعه بوغازىنى ضبط واستانبوله كله جكلرىنى مقام تهديدده اشاعه
 وبرى صلحه اجبار ايدىيورلردى . بز قهرمانلر ، حالا كور
 كورينه عناده دوام ايدىيورز . حال بوكه طرابلسده (ظانظور)
 محاربه سى اولمش؛ ايتاليانلر بزمكىلرى ترك موضعه مجبور ايتمشلر
 وجبخانه مزك همان كافه سنى ياقشلردى . بوندن صوكر ا طرابلس
 جهتده اوزون اوزادى يه مقاومته پك كووه نه مزدك . اكر
 ايتاليانلر (ظانظور) محاربه سندن صوكر ا در عقب تعرضى
 حر كاته دوام ايتسه يديلر ، مقاومت امكانى يوقدى . كرچه
 بنغازى جهتده ده اى مقاومت ايدىليوردى ؛ فقط بوتون
 بو مقاومتلر ، بوفدا كارلقلر طرابلسى ايتاليانلردن قورتارمغه
 كافى دكلدى . اير كچ طرابلسى فدايه مجبور ايدك . بارى وطنك
 سائر جهتده كى اسباب مقاومتك زوال بولماسنه ميدان ويرمه يه لم ،
 وناموس عسكريمز قورتولمش اولديغندن نسبةً مساعد بر مصالحه
 ايله شو نتيجه سز حربى بيتيره لم . خاير ، مقاومت . . داخل
 سياستده شدت احتراض

ازميرده قونسولوسلردن برى آيدىن واليسنه ايتاليانلر ك

او حوالی یه عسکر چیقاراجقلرینی و بو مقصدله ایتالیاده مهم تدارکات یاپیلدیغنی سویلر... دیکر طرفدن عادتاً تحریبه نظارتی مشاوری صفتی طاقینمش بر اجنبی آتاشه میلتری آرتق ایتالیانلرله آنا وطنده ده چارپیشیلاجغنی، شیمدی هرایکی اردونک قیمت حقیقیه سی میدانه چیقاجغنی بیان ایدر.. بوتون بو استخبارات آژانسلرک اشاعاتیه توافقی ایدیور... او حالده همان ازمیر وچناق قلعه حوالیسنه برر اردو سوقه قرار ویریلور... نه عظیم وقوی الشکیمه بردولتدرکه، هر طرفه متعدد اردو- لری داخلی و خارجی دشمنلرله چارپیشدیغنی حالده ینه شوکت و عظمتی باقیدر... همان ردیفار طوپلانیور؛ حزیران ابتداسنده ازمیر وچاناق قلعه حوالیسنده اوتوزر قرقر بیک کیشیلک برر اردو تجمع ایدیور.

دیکر طرفدن آرناوودلق مصادمه سی بردوام. مخالفلر، یاپدقلری خیانتلر یتیشمه یورمش کبی، شیمدی ده حکومتک اولی الامرک او امرینه تبعیتله آرناوودلری تأدیب ایچون کیدن عسکرلره زهر القاسنه باشلایورلر: برنجی فرقه ضابطانندن بر قسم عظیمی اغفال ایدرک (آرناوودلرک مطالبی محقدر؛ بز بو وطندا شلرمزه قاشی سلاح آتمایز) مدعاسنی درمیانه سوق ایدیورلر. ایشته اردو ایچنده هرج و مرج تظاهر ایتدی؛ ذاتاً تعلیم و تربیه عسکریه یوق ایدی؛ شسندی برده اطاعت انضباط و مختل اولدی. لعنت مسیلره!... صد هزار تأسف

اغفال اولونانلره ! ..

عینی زمانده استانبولده وازمیرده کی ضابطانک بر قسمی اغفال اولونارلق بونلرده بعض مدعیاتله اورتایه چیقدیلر . شمدی آرتلق دشمنلرمن کمال ممنونیتله صیریتیورلر ؛ وقازغانه قویقلری آشک قوام زمانک تقریبی کورمکدن پک محظوظ اولورلردی ..

آوستریا و فرانسه حکومتلری ۱۳۲۸ سنه سی مایس و حزیران آیلرنده بالقان حکومتلرینک اتفاق عقدایتدکلینی، وضعینمزک و خاتمتی، ایتالیا ایله سریعاً صلح عقد ایدیلسنی بزه توصیه ایتدیلر ؛ فقط بز طریق احتراصده او قدر ایلرله مشدک که کری چکیلیمک پک کوچدی . کوزلرمن بولانمش و مهالک خارجیه بی کورمیور ایدک . کوستردنلرده اینامیوردق . ایتالیا ایله اسویچرده باشلامش اولان خفی مذاکرات صلحیهده استغناکارانه حرکت ایدیوردق . بومذاکرات صوک درجهده بطی جریان ایدیوردی . کویا طرابلسی ویریرسهک عرب قومی عصیان ایده جکمش .. حال بوکه الده فرانسه نک اختاری کی واضح بر سبب واریکن هیچ کیمسه نک اتهامه حق یوق ایدی . بریاندن چاناق قلعه وازمیرده ، حتی سوریه سواحلنده ایتالیانک تجاوزینه قارشى حاضر لانیوردق . دیگر طرفدن بالقان حکومتلرینک اتفاقی اخبار ایدیلور . ایشته وضعیت خارجیه نک بویله الک بحرانی بر زماننده بیله سیاست داخلیهده فداکارلق

ایده مدك؛ ینه آرناوودلقدە کی جنکه دوام و بریاندن تازه عسکر سؤقته تشبث ایلدک. شو صورتله وخامت احوال تزید و وضعیت عسکریه مزك فنانی تشدید ایدیلدی . باقیکر فرانسه رئیس جمهورى اولان موسیو پووانقاره دهاهنوز باش وکیل وخارجیه ناظری ایکن ۱۳۲۸ سنه سی تشرین ثانیه نده فرانسه مجلس مبعوثانده نه سویلدی : «اوزون مدتدنبری بالقانلرده مشکلات وخیمه ظهورندن اندیشه ایدیوردق. کچن کانون ثانیدنبری اوروپانک ایرکیچ شرقده مصادف اوله جنی بعض احتمالات حقنده روسیه ایله مذاکراتده بولمقدە ایدک. روسیه حکومتی دها اوزماندنبری بالقانلرده «استاتوقونک محافظه سی اساسنه صادق قاله جغه دائر تأمینات اعطا ایلشدی ؛ فقط ایتالیا ایله حربک دوامی، قره طاغ حدود حادثاتی ، «آرناوودلق عصیانى و اصلاحاتک تطبیقنده کی تأخر صلحک دوامی «کیتدکجه اشکال ایلکده ایدی .

«نیسان ابتدلرنده بلغارستان و صربستانک آرلرنده بر معاهده نامه «عقد ایلدکارینی خبر آلدق . بلغارستان ایله یونانستان بیننده براتحاد «حصولی ایچون مذاکراته دوام ایلدیکنی دخی دیگر طرفدن اوکرنده . «بواشلانک ماهیتی حقنده خبر آله مامش اولمقه برابر یکیدن تهلکه لر «عرض ایده جک برماهیتده کوروندی . بالاآخره بونی بتون وضوحی «ایله خبر آنجه براختلاف احتمالاتی دها ایی تقدیر ایتدک. برچوق «دفعه لر حقیقی برحس دوستانه ایله حکومت عثمانیه مه مراجعت ایتدک . «بو وضعیتک تهلکه لرینی ایضاح ایلدک . ایتالیا ایله صلح عقدینی تسریع «ایتمسنى ، اصلاحاتک سرعتله تطبیقنى توصیه ایتدک ؛ فقط کونلر کچیور ، احوال دها زیاده تهیدید آمیز اختلاطات عرض ایلوردی .»

بو و واضح اخطار قارشیدینده بالقان اتفاقک بوزولما یی ایچون هیچ برتدیر اتخاذ ایدیلدی ؛ مثلاً یونانستانه کرید

خصوصند مساعده‌کارلق ابراز ایدرک اونک دکل بیطرفلغنی،
 بزم ایله اتفاقی بیله تأمین ایتک قابلدی. ناصل که، بولغارستان
 رومانیا به حدود تصحیحاتی وعد ایدرک بیطرفلغنی تأمین ایتشدی؛
 فقط بزم قوف غرورمن بویله شیلری ذل، تنزل عد ایدر...
 بونلر دیپلوماتلقدرد؛ فقط نروده اودیپلوماتلر... حکومت
 آدملری ایچون اک بویوک خاصه دوراندیشلقدرد؛ برآتی
 بعیدده وقوعی محتمل هر درلو مهالکی ذکا و معلوماتی سایه‌سند
 کوردردک دها اول تداییر لازمه اتخاذ ایتک اقتضا ایدر؛ پک
 حوق سنه‌لردن سوکرا محسناتی کوروله‌جک موادی دهاشیمیدین
 فرق وادراک ایدرک حاضرلق کورمک لازمدر. یوقسه کونی
 کونه یاشامق، آنجق ذکا و اقتداری بسیط اولان علی‌العاده
 انسانلره یاقیشیر؛ امور حکومت مسؤلیتتی دوش تحملنه آلمق
 قولای برشی دکلدر.

سیاسی منازعاته اردوینی آلت اتخاذ ایتک نهایت نتیجه
 مضرده‌سنی کوستردی: استانبولده و ازمیرده وظائف اصلیه‌سنی
 اونودان برطاقم ضابطان ادعالرینی ایلری واردیدیلر؛ آرنه
 وودلقدده کی عسکرک برقسیمی ایله آرناوودلر اویوشدیلر؛
 مناستر و سائردهده بعض ضابطان حکومته قارشى مخالف سیاسی
 ادعالره داغه حیق‌دیلر. وجبراً انتخاب ایدیلن مبعوثلری قبون
 ایدهمیه‌جکلرینی بیان و مجلس مبعوثانک فسخنی طلب ایتدیلر.
 شو سورتله اردویه تفرقه کیرمش اولدی. نهایت قابینه استعفايه

مجبور اولدی . مخالف فرقہ یہ متمایل بر قابینہ موقع اقتدارہ
کلدی . اودہ احوال داخلہ یی تسکین ایچون مجلس مبعوثانی
فسخ ایتمکہ قالقدی . مبعوثلر تمرد ایتدیلر ؛ کویا کہ کرہ ارض
اوزرنده یالکز حکومت عثمانیہ وارددر ؛ کویا کہ بو حکومتہ هیچ
خارجی تہلکہ ایراث مضرت ایدہ مز ؛ بناء علیہ داخلی جنکار مزہ
دوام ایچون هیچ بر اندیشہ یہ لزوم یوقدر

بو محادلاتدہ علاقہ دار اولان هیچ بر انسان ، قفاسنی اللری
آراسنہ آلوبدہ مہالک خارجہ یی دوشونمہدی ؛ ادعاسندن ،
احتراسندن ، منافع شخصیتہ سندن بر پارچہ فدا کارلق ایدہ رک
وطنی قورتارمنی واحترام لرینی ، حتی انتقام لرینی باشقہ بر آسودہ
زمانہ صاقلامنی تأمل ایتمہدی .

مبعوثلر مبعوثلقدن واز کچمہ دیلر ؛ حکومت اصرار
ایتدی . نہایت پادشاہک فسخ ارادہ سنہ قارشى بیلہ اثار طغیان
کوسترہ رک فسخی قبول ایتمہ دیلر . واعالرنجہ تعطیل مذاکرات
ایتدیلر ؛ فقط حقیقتدہ مجلس فسخ اولونمشدی .

بزبومدهش داخلی بحرانلری تولید وادامہ ایدرکن خارجدہ
ایتالیا ایلہ حرب دوام ایدیوردی ؛ از میردہ وچناق قلعه دہ
ایکی اردو ہر کون دشمنک تجاوزینہ انتظار ایدیوردی . حتی
برکیجہ دشمن چاناق قلعه بوغازینہ بر طور پہ دویوط هجومی
یاہمشدی . ایتالیا ایلہ حربک دوامی حبیبیلہ یندہ کی قطعات
جلب ایدیلمہ مہمشدی ؛ وضعیت مالیہ وعسکریہ مز کیتدکچہ

فئالاشيوردى . دونما مەمادىيا استيم اوزرنده دورمى ، تعمير ايدىلەمەكك حەسەلە خراب اوليور وقيمت حەريەسىنى تەدرىجاً غائب ايدىيوردى .

بالقان حەكۇمات صغىرەسى آرتق اك مساعد زمانك حلول ايتەدىكنە قانع اولدىلر . او زمانە قدر آرالرنده عقد ايدىلن اتقارلر ظاهراً تدافى بر مقصد اوزرينە مؤسس ايدى ؛ فقط دشمن مشترك داخلاً وخارجاً زبون بر حالە كلىسى بوتون احتراضلرى ميدانە چيقاردى ؛ شىمدى بولغار قرالئك كوزى او كنده عثمانلى اردوسىنىت سريعا مغلوبىتى ، ماكدونىيانك متفقين عسكرى طرفدن استىلاسى ، نهايت بولغار بايراغك آطەرلر دكزى كىنارنده تموجى وسائره برر برر كچيد رسىمى ياپيور ايدى . ترددله فرصت غائب ايتمەيەرك همان ماكدونىيادە بومبارلى پاطلاتدى . دىناميتلر اهل اسلامك زيادە تعصبلرىنى تحريك ايدەجت يرلره جامعلره وضع اولوندىغىندن درحال بولغارلر ك اميدلرى حصول بولدى ؛ بومبا پاتلايان يردە بولغار اھالى مسلملر ك تعرضنە دوچار اولدىلر . بونك اوزرينە رسىمى بر فرىاد قويدى . ديكەر طرفدن بولغارستان همان متفقلىرىنە مراجعت ايدەرك تركىيا عليھنە مشتركاً حرب ايتكى وقان اپخندە يوزن ماكدونىيائى تخلص ايلەمكى تەكليف ايتدى ؛ ۱۳ آغستوس ۱۳۲۸ تارىخندە بالقان حربىنىك اجراسى قىرار كىر اولدى . جغرافىا وضعىتى بولغار و صرب اردولرىنىك متحداً

حرکتی استلزام ایتدیکندن ایکی مملکتک ارکان حرب رئیسلی آغستوس وایل اول آیلر نده بر قاج دفعه بیرله شهرک مشترک حرب پلانی احضار وتنظیم ایتدیلر . بو سیاسی حاضر لقلر ائسانده اردوده یقینده اجرا ایده جکی حرب حاضر نیوردی . اوچنجی اردو مفتشلکنی تشکیل ایدن بولغار قطعائی بالا آخره پاجنی قرق کایسا تعرضنه حاضرلق اولمق اوزره شمنی قلعه سی اطرافنده بر قلعه مانورده سی یاقمده ایدی . جنرال رادقو دیمتری یف شیمدین کندیسنی وعسکرینی ادمانه قوشیوردی . تموز نهایتده آوستریا بالقانلرده کی تشوشاتی و بزم غافلانه حرکاتلر مزی کوردردک ایشک اوکنی آلمق اوزره بزه ما کدو . نیاده اصلاحات یاقمقلمزی و ۱۸۸۸ پروژده سنک موقع تطبیقه وضعی نیم رسمی اوله رق توصیه ایتدی . عینی زمانده دول معظمه یه ده مراجعت ایدردک بار عالی و بالقان حکوماتی نزدنده بر تشبث مشترک اجراسنی تکلیف ایتدی .

بوسه و دانه دائر بالا آخره موسیو پووانقاره ۱۳۲۸ سنه سی تشرین ثانیه فرانسه مجلس مبعوثاننده ایراد ایتدیکی نطقده شو ایضاتی ویرمیشدی :

(افرنجی) آغستوسک ۱۴ نجی کونی روسیه ده بولندیغ ، بتون اوروپائی علامه دار ایمن مسائل حقنده یکیدن موسیو ساسانوف ایله کورده شیکم اشاده قونت برختولد تکلیف معلومنی سرد ایلدی . ویانه قایده سی خصوصات آتیه ایچون کندیسی ایله اجرای مذاکراته حاضر اولوب اولدیغنی دول معظمه دن صوریوردی .

۱ — بالقان اقوامنه پك مشروع اوله رق طلب ايتدكاري تأميناتي اعطا ايدنه بيله جك اولان تدريجي بر عدم مركزيت تطبيقى ايچون باب عاليه نساخ اجراسى .

۲ — بو سياستك نتيجه سنه مصلحانه بر صورتده انتظار ايتلري ايچون بالقان حكومتي نيز دنده اجراي تشبثانده بولنلمسى .

بو صرده غيوتيم حسييله موسيو بريان فرانسه نامنه اوله رق بو تكليفى كمال دقتله تدقيق ايلديكمزي اخبار ايتدى . فرانسه نك شرقدنه كي سياستى باشليجه صلح ومسالت عموميه نك واستاتوقونك بقاسى خصوص - صالرينه معطوف اولديغنى ، بو خصوصده ويانه قابينه سى ايله عيني فكرده بولمقدن ممنونيت حس ايتديكنى علاوهً بيلديردى .

تلغرافله وقوع بولان اخبار اوزرينه موسيو بريانك ويرديكي جوابى تأييد ايتدم . پترسبورغ قابينه سى ده بو زمينده ائتلافجويانه بر جواب ويردى . فقط احوال او قدر سرعتله جريان ايليوردي كه دولتر بر ائتلاف حصوله كتيرنجه يه قدر بالقانلرده هيچان آرئدى واندیشه بخش بر درجه يه واصل اولدى .

تقرب ايدن مخاطره قارشيدسند فرانسه حكومتى صوفيه ، بلغراد ، آتنه وچتنيه يه وصايا اعطاسى ايله برلكده بالقانلرده اصلاحات عاجله اجراسنى باب عاليه توصيه ايچون اوروپا طرفدن تشبثانده بولنلمسى ايجاب ايتديكنى تقدير ايتدى . ايلول ابتداسنده بر آهنگ عمومى تأمينى ايچون توسل ايديله جك وسائط حقنده متفق دوستلر مزل ايله تعايط افكار ايتدك .

فقط (افرنجى) ايلولك اوتوز برنجى كوني بلغار ، صرب يونان اردولرى سفر برلكه باشلادى . ايرتسى كوني باب عاليده عيني اثره اقتفا ايتدى .

موسيو ساسانوفك پارسده اثنائى اقامتنده مومى اليه ايله متحداً صلح ومسالت ايچون صوك بر غيرت صرفنه قرار ويردم . دولتره بر تكليف درميان ايتدك . بو تكليف تعديلاتدن صوكره نهايت بو

شکله قرار قیلدی : روسیه ، آوستریا اوروپا نامنه اوله رق دولتلرک صلح و مسالمتی اخلال ایدیه جک حرکاتی تقییح ایلدکلرینی وبرلین عهد نامه سی ۲۳ نجی ماده سنه استناد ایدیه رک اصلاحات اجراسنی درعهده ایلیه جکلرینی ، اساساً بو اصلاحات تمامیت ملکیت عثمانیه ایران خلل ایتدیکنی ، نهایت استاتوقوده حربدن صوکره تعدیلاته مساعدده اولنیه جغنی بالقان دولترینه تبلیغه مأمور اولدیلر .

بوکی قاینه ده اقتدار سیاسی متواتر برذات خارجیه نظارتنی درعهده ایتمش ایدی .

بوندن باشقه بر بیر سیاست ده قاینه نک سیاست داخلیه و خارجیه سنی تدویر ایدیوردی ؛ فقط بو زواللی وطنک اوتهدن بری دیپلوماتدن نصیبی یوقدر ؛ بویکی قاینه ده اولیه بر غفات سیاسییه کوستردی که اسکیلرینه رحمت اوقوتدی :

بالقان بحرانی آرتق تمامیه معلوم ... بینمزده پاتلایان بومبار بر اختلاف مسلحت پیددارلری ... اوروپانک نصایح و اخطاراتی ایقراض ایچون کافی ... بوکا رغماً ینه سرسملک .. وضعیت سیاسییه ده بروخامت کورمیور و ایتالیا حربی بهانه سیله طولانمش اولان آلتش یتمش بیک کشینک وبالخاصه ۳۲۴ و ۳۲۵ لی افراد موظفه نک دفعه ترخیصنه قرار ویریور . زهی غفلت ! .. ایتالیا حربی مناسبتیه ۳۲۴ لی افراد ۳۲۷ سنه سنده ترخیص ایدیله یه رک برسندن بری سلاح آلتنده ابقا ایدیش ایدی . ۳۲۸ سنه سی ایوانده ده ۳۲۵ لی افرادک ترخیص زمانی کشدی . وضعیت سیاسییه مهم کوروتجه استبدال ایدیه جک

افرادى ترخيص ائتمەك اوتەدن برى ھەر مملەكتە مەدەتەر ؛
وبو عادت بزم مملەكتە مەزەم ، بزم اردو مەزەم پك مەرو فدر .
بالا خرە اوستريا و روسيە دولتلىرى دە بالقان حربى ائناسەندە
حاصل اولان كركينلەك مەنسەتلىكە صوك سەنە افرادىنى ترخيص
ائتمە مشلر وحتى بعمض افراد احتياطىيەنى سەلاح آئتمە آلارق
قطعاتك موجودلىرىنى قابار تەمشلردر .

ايشە يەكى موقع اقتدارە كلن ماھر دىپلوماتلردە وضعيت
سياسيەنى ادراك ايدە مەيەرك يەكى قابىنەك بويە بويوك برخطا
ايشە مەنە سەبب اولدىلر . وكلاى سائرەك دە غفلتلىرىنە ، عدم
ادراكلىرىنە دىيەك يوق .. ايشە اردونك ، ذاتاً مەسلىل
خطالە آزالمش اولان قابليت حربىيە مەنە وورولان اك صوك
ومەم ضربەدە بودر .

بوخطايى برقاچ كون صوكرا آكلاديار ؛ ونتايج مضرەسەك
اوكنى آلمق ايسەتە دىلر : تعليم مقصىديە تەكمىل روم ايليدەكى
ايكنجى صنف رديف فرقلەرىنى سەلاح آئتمە چاغىردىلر ؛ فقط
بوتديرك تلافى مافات ايدە مەيەككى آشكاردر . بالەكس فرصت
جو اولان دشمەنلەرمەك ۱۷ ايلولە عمومى سفيرلەك اعلان
ائتمە مەنە سەبب اولدىلر .

بزدە بركون صوكرا بالمجبوريە سفيرلەك اعلان ايتەك .
شو صورتە باشمەزەم قوياچق فورطنەنى كەندى المزلە تەسريع
ايتەك . ايتاليا ايلە آلتى آيدىن برى استغناكارانە اداره ايدىلن

صلح مذاکراتی همان تسریع ایدرک ایکی هفته ده مصالحه
مجبور قالدق !...

دها آغستوس آی ظرفده یونان حکومتی ، کرید مسئله سنک
کندی لهنده حلنه موافقت شرطیه بیطرفلغنی بزه تکلیف ایتیش
ایدی ؛ فقط بز بونی ده خودبینانه برغرورله رد ایله مشدک ؛
بالاخره سفربرلک ائناسنده تکلیف مذکوره موافقت ایدرک
یونانی هیئت متفقهدن آیرمق ایسته‌دک ایسه ده پک کچ قالمشدق :
یونان ، متفقلرندن آرتق آیریلایا جغنی بیلیردی .

ایشته کورولیلورکه بولغار قرالی فردیناندک (خارقه) دییه
تلقیب ایتدیکی (۱۹۱۲=۱۳۲۸) سنه‌سی حقیقه خوراق ایله
مالیدر . اوزمانه قدر ممکن کورلمه‌ین بالقان اتقاقی او قدر سرعتله
تأسس و تقرر ایتدی که بو حاله فردیناند بیله شاشمشدر . بوکا
یکانه سبب ، یزم ایتالیا حربنک ابتداسندن انتهایسه ، بالقان
حربنه قدر همان بلافاصله ارتکاب ایتدی کمز سیاسی خطالردر .
هانیا دشمنلر مزه میال بر اجنبی مأمور امور معظمه دولتی اداره
ایته‌یدی ، بزه آنجق بو قدر قنالق اید بیلیردی ...

استحضارات عسکریه ده کی نقصان

دور استبداددن میراث قالان اردونك قیمت حربیه سی
 پك دون ایدی : تعلیم و تربیه همان هیچ یوق ایدی ؛ افرادك
 تعلیمی همان یانا شیق نظامده حرکته منحصر دی ؛ نه انداختلر
 ونه خدمات سفریه عملیاتلری یایلماز ایدی . ضابطانك تعلیم
 و تربیه سی اساساً اردوده مجهول ایدی . بالطبع قوماندا هیئت
 هیچ موجود دکلدی .

یالکز پیاده و طوپچی اسلحه سی سوز کوتورمیه جك درجه ده
 ای ایدی ؛ هرا یکی سی ده اك صوك ترقیاته موافق ایدیلر . کرچه
 سریع آتشی صحرا طوپلری تکمیل طوپچی آلایلرینه و یریه مه مش
 ایدی ؛ فقط هنوز یکی تکمیل ایتش اولان بو سلاح تدریجاً
 اردویه ادخال اولونیوردی .

اوزمان ایش باشنده اولان ارکان عسکریه نك اکثرینك
 عسکر لکده کی اختصاصلری اونیفورمه طاشیمقدن عبارت ایدی ؛
 بناءً علیه قابلیت حربیه نك ، قیمت حربیه نك نه صورتلها کتساب
 وتزید اولونا جغنی ادراك ایدمیورلردی ؛ هیچ دوشونولمور .
 دی که ، طوپلر ، تفنگلر جامد برر ما کنده در ؛ حربده موفقیتی
 بوما کینلر کندی کندیلرینه قازانمازلر ؛ آنجق بونلری حسن

استعمال ایتکی بیلیر انسانلر، تعلیم و تربیه کورمش عسکرلرله موفقیت قازانیلیر ...

ردیف قطعاتی تعلیم مقصدیله اصلا سلاح آلتنه دعوت اولونماقلرندن اونیفورمه‌لی برکروهدن، موظف قطعات ایسه آنجق منتظماً دورمنی و یوروومکی بیلیر دوزکونجه بر هیئتدن عبارت ایدیلر . ضابطانک مهم بر قسمی شو طرزده سلاح آلتده وقت کچیردن افراد میانندن تفریق ونصب اولونیوردی؛ دیکری ایسه کندی حیات عسکریه‌لرینه نسبتاً اک یوکسک سویه معلوماتی مکتب حربیه‌دن دیپلوما آلدینی زمان حائر اولوب بو تاریخدن اعتباراً سنه‌لر کچدکجه اهلیت عسکریه‌لرینی برسرعت متزایده‌ایله غائب ایتمکده ایدیلر. ارکان حربیه ضابطانی آنجق اونیفورمه‌لی بورو مأموری مرتبه‌سنده ایدیلر . بوندن باشقه عسکر چیلاق وده‌پولر بوش ایدی .

ایشته ۱۳۲۴ انقلابی متعاقب شانلی اردو بو حالده ایدی . فردای انقلابده عموم ملت اردویی اصلاح و تنظیم خصوصنده متفق ایدی. مقام اقتداره کچنارک همان یکانه مشغله‌سنی بومسئله تشکیل ایدیوردی؛ فقط براردونک تنسیق دوری اک خفیف زمانی اولدیغندن احوال سیاسی‌ه‌نک امنیت کسب ایتمه‌سنه انتظاراً تنسیقات پروژهلری ، حاضر لقلری یاییلمغه باشلانندی ؛ وعقل ایرمن ضابطان قومانداسنده کی قطعاتده تعلیم و تربیه جدأ بویوک برخواست و غیرتله بدأ ایتدیلر .

چوق سورمدی؛ ۳۱ مارت ۱۳۲۵ وقەسی اردوده مەم
بر صدمە تاثیرینی اجرا ایتدی . شو عصیانک تسکینی ، وقە
خلع ، عصیان مؤثرلرینک تأدی ، تصنیف رتب ، آرنالودلق
و حوران اغتشاشلارینک تسکینی کی بر برینی ولی این وقیع
اردونک انظار دقتی تعلیم و تربیە کتبیەلی کون وزلی دوام
ایدەرك قیمت حربیە تزیید ایتمک جهتندن انحراف ایتدیردی .
ذاتاً چالیشانلر کندی حمیت و وطنپرورلار کی سائەسیە
چالیشیورلردی؛ بونلرک بر قسمی بر درجیە قدر صاحب وقوف
اولدقلرندن غیرتلرندن جداً ثمره مفیدە حاصل اولیوردی .
دیگر بر قسمنک اقتدارلری مفقود اولدیغندن طریق سعی حسن
انتخاب ایدە میورلردی ؛ کندیلرینە دلالت ایدنلردە پک آز
ایدی .

کرچه کوچوک ضابط مکتبلری ، ضابطان تعلیمگاهلری
کی اردونک سویه عرفاتی تزییدە مدارمؤسسات علمیە تدریجاً
آچیلمقدە ایدی؛ مکتب حربیە بر درجیە قدر اصلاح وارکن
حربیە مکتبی اسکینسە نسبتە عادتا احیا ایدیش ایدی ؛ فقط
بونلرک هپی آنجق آرزولریە چالیشمق ایستەینار ایچون
فائده تولید ایدە بیلیور ایدی . حال بوکە بر هیئت اجتماعی
مساعی منتظمیە آلیشدیروب اوندن ای حاصلات آلابیلمک
ایچون هر کسە اصولنە توفیقاً معین بروظیفه ویرەرك چالیشایە
اجبار ایتمک لازمدر . چالیشانلری تلطیف ، چالیشما -

یانلری تجزیه اقتضا ایدر . هرکس جداً حیثی اولوبده
 کندیلکندن چالیشماز ؛ بر قسمی ده صاحب حیث و غیرت
 اولقله برابر دلیله ، یول کوسترین کلکه محتاج اولور . اردو ،
 مشیردن نفره قدر او یله بر ماکنه درکه آنجق عرفردی کندی
 وظیفه سنی ایفا ایده بیله جک بر اقتدار و فعالیتده اولورسه
 ایش کوره بیلیر . کندی حالنه بیر اقله مش بر جسم هیئت هیچ
 بر زمانده کندیسندن مطلوب وظیفه یی ایفا ایده مز ؛ ناصل که
 کندی حالنه ترک اولونان بر باغچه ده در عقب یابانی اوتلر بیتر ؛ آرا ده ،
 تک توك ، کندیلکندن نشوونما بولان چیچکلر ، باغچه یه بر
 قیمت ویره مز لر . بویله بر باغچه یه سورت عمومیه ده دیکنلک
 دینیر . حال بو که منتظماً اکیلهن ، فنا اوتلری سو کیلوب آتیلان ،
 اییلری صولاناز باغچه بر گلستان حالنه کلیر . بو قاعده دنیانک
 هریرنده جاریدر . بوکا رغماً هیچ بر حریبه ناظری چیقوبده
 « فلان شرائطی حائز اولانلر ترفیع ایده جک ، دیکرلری عینی حالده
 قالا جقلر ؛ هیچ چالیشمانلر ، ایشه یارامایانلر تدریجاً تقاعد ویا
 اخراج ایدیله جک » دییه مدی ؛ و بو قاعده یی جداً تطبیق ایچون
 قوتلی قونتروللر وجوده کتیر مدی . حال بو که اردونک اک
 بویوک دردلری بویوک رتبه لی ضابطانک جهالت و عظالتده
 تمرکز ایدیوردی . بویوک رتبه لی ضابطانی ، امرا وارکانی
 چالیشدیر مق . بونلرک قیمت حریبه لرینی تزید ایتک ایچون
 هیچ بر شی یاپیلما دی . قوماندا هیئتی یوق ، ارکان حریبه

ھېئىتى وظيفەسەنك اھلى دكل ایدی . موجود ھېئىتلر خاقان سابقدن یادكار قالانلردى ؛ يېكى مەكتەپلرەك مەھسولاتىدن استفادە ایدە بىلىمك ایچون چوق زمان لازمدى . ھم موجود اصول باقى قالدقجە يېكى یتیشەجەكلردە بر قاچ سەنە سوکرا اسکیلرەك حالنە کلەجك ایدی : اسکیلردە ھر حالە يېكى مەكتەپدن چىقەد . قلىرى زمان برشى ایدیلر . اردونك دماغى اولان ارکان حربیە ھېئىتەك اصلاحى ایچون جدى وقطى تشبىلر اجرا ایدیلەدى . موجود ارکان حربلرەك اقتدارلرى خاقان سابق زمانندەكى درجەدە قالدى . باقىكز بزم اردومز ایچون بر اجنبى ضابط نە سويلەيور [*] .

ھر وقعە حربیە اوچ صفجەيە انقسام ایدر : اداره ، اجراآت استحضارات ... بو اوچ عنصرەك ، حتى اكثريا يالکىز برىنك قصورى ويا بوس بوتون مفعودىتى عدم موفقىتى انتاجە کافیدر . عجباً حربى اداره ، اجرا ويا احضار ایدنلردن ھانكىسەنە ترکلرەك انھزامى مسؤلىتى يوکەتمەلیدر ؟ اداره حرب خصوصندە ھنوز برشى سويلەيەمەيز ؛ ارکان حربیە ھېئىتى تصورات وحساباتدن دھا ھېچ برشى اظهار ایتەدى . اجرا آتە کلنچە ، الدە بعض شھودك جمع ایتدکلرى متشت معلوماتدن باشقە برشى يوق . فقط شوراسى ھردلرؤ اعتراضدن آزادە درکە ، استحضارات تمامیلە صفردر .

دايلى تلغرافك مخابر عسکرىسى بروجە آتى يازيوردى : استانولدهكى محافل عسکرىە ، کە افادەلریلە بنی دە آلداتمشلردى ، ھردلرؤ تخمین فوقندە ترک عسکرینك شجاعى ھرشیئە تقابل ایدەجك

دییەرك كمال قناعتلە بوتون كائىناتى اغفال ایدیوردى .
فقط عسكەر ايچنە كىرنجە ، سقوط خياله اوغرام . شېھەسز ،
ترك عسكەرى ماضىدە كى قدر غيور وجسوردىر ؛ و كندىسنىك
خارق العادە قوۋە تەجلىيەسى سايەسىندە ساقز كوى (لولە بورغاز)
محاربەسى اوچ كون امتداد ايتدى .

بوتون مسئوليت ، اساسەن بر غرورە دالمش وبالقان اقوامنە
قارشى حقارتدن باشقە برشى ياداتمەن رجال حكومتە عائد اولاليدىر .
بونلر ، كاغد اوزرنندە بولونان كلىتلى رقلرك تفوقنە اعتماد ايتدىلر .
ترك اردوسنىك تەسكىل ايتدىكى خارق العادە بلوفى تەسويىرە مقتدر
دكلم . شو كقاعات كىتىردم كە ، سادە ھەرنەرىومىيە بر پكسەماد آلسەيدى ،
مستولى دشمن قارشىسىندە قاچىيە جقدى . ترك اردوسنى بو درجە
مضمحل ايدىن آچلقدر . ترك اردوسندە بر قاز سۈروسنى بىلە
ادارە ايدەجك اركان حربىيە ھىئەتى يوقدر . پاشالار ، فن حرب
حاضر كاك ابتدائى قواعدىنەدە واقف دكل كىيدىرلر . وظيفەسەنە
آكاه ھىيچ بر ادارە ھىئەتى ، ھىيچ بر نەتلىيە قطارى يوق . اللرنندە
بردمىرىولى موجود ايكن ، ھىئەت عسكەرىيە ، استانبولك ۱۰۰ كىلومەترە
اوتەسىندە بولونان بر لوايى بىلە بىسلەيەمدى ، و شرقە مخصوص
بر توكل ايلە درت قول اردويى ساكنانە آچلقە ترك ايتدى ... »
شېھەسز مشروطىيەتك اعلانندن سوگرا اردودە پك چوق
شى ياپىلدى . بالخاصە اردويە پك چوق پارە صرف اولوندى .
چىپلاق اردو الباس ايدىلدى . دەپولر البسە و تەجھيزات ايلە
املا ايدىلدى ؛ فقط بونلرك كافەسى ظاھەرى اصلاحتدن
معدود ايدى اصل قيمەت حربىيەنى تزييد ايدەجك پك آز
ھەمت صرف اولوندى . اردونك روح عىلىلى اھتام مخصوصە
محتاج ايدى . اردو صوك درجەدە جاھل ايدى . ھىئەت

ضبطان اکثریتله جهالت وعطالتک اسیری ایدیلر. بوکچاره ساز اولمغه کیمسه تشبث ایتدی؛ کیمسه «نه ایچون چالیشما یورسکز؛ صوکر ا تفیض ایده مزسیکز» دیمدی. کرک چالیشان، کرک چالیشایان، کرک مقتدر، کرک جاهل عینی صیرایله ترفیع ایتدی.

۱۳۲۶ سنه سی صوک بهارنده ادرنه ولایتده اجرا ایدیلن بویوک مانوورده لر، حقیقت بین اولانلرک پیش انظارنده اردونک قیمت حربیه سنک خاقان مخلوع زماننده کی درجه دن پک آز یوقاری چیقابیلیمش اولدیغنی تجلی ایتدیرمشدی؛ هله طابور، آلی و ده ها بویوک قطعات قوماندانلرینک قطعه لرینی قواعد حربیه موافق صورتده سوق و اداره ایتلری اصولک ثمانلی اردوسنجه هنوز مجهول قلدیغنی بردفعه ده ها ظاهر اولمشدی؛ عینی سنه نک ایلک بهارنده آناوودلقده اجرا ایدیلن حرکات عسکریده ده قیمت حربیه مزک پک آجینه جق خالد اولدیغنی ارانه ایتمش ایدی: کذا ۱۳۲۷ سنه سنده ژاپونیالی متوفا ماره شال نوکی استانبوله کلدیکی زمان کاغذخانه جوارنده یاپیلان برمانوره بوتون بوتون حقیقتی اظهار ایتمشدی. اردو بونلردن عبرت آلارق همان قیمت حربیه یی یوکسه لتمک چالیشه جق ایدی؛ فقط هر زمان اکسیک اولمایان مداحلر حقیقتی ستر ایدرک شانلی اردونک شوکت وعظمتندن، ترقی وتعالی سندن بیله رک بیلمه یه رک دائمًا بحث ایدرلر وشو صورتله بالفعل ترقیسنه، بلا اختیار، مانع اولورلردی. نته کیم بالقان حربینک ایلک

هفته‌لر ندهده غز تلر من دأما مظفریتدن دم وورور لر وهر کون دشمن اراضیسی داخلنده حرب ایتدی کمزری حکایه ایدرک ملت اغفال ایدر لر دی. بو کبی مناسبتمز حالر دأما کندبی کندیمز آداتمغه و تهلیکینی عدم ادرا که سبب اولمشدر. وقایعی، حقایق ستر و تأویلدن فائده چیقماز؛ ترقی و تعالی ایسته‌ین ملت لر حقایق و وقایعی اولانجه چیبلاقلغیله میدانہ قویارق ماضیدن عبرت آلمغه چالیشیر لر .

بزم صوڪ عصرده کی تاریخمزدہ فوق العادہ عبرت انگیز فلاکتلر مقید اولدینی حالہ هیچ بریسی عقمزری باشمزه طوپلایوب کندیمز طریارلامقلمزہ سبب اولمامشدر. هر دفعه کی فلاکتی متعاقب اجرا ایدیلن تشبثات اصلاحیه یاریم تدبیرلردن عبارت‌المنش و هیچ بریسی (یدنا) فلاکتدن صوڪرا پروسیانک ابراز ایتدیکی مساعییه نظیره اولامامشدر . باری بو دفعه کوچوجاک یومورجاقلرک ایندیردکلری بویوڪ یومروقلردن عبرت آلسق

مقام اقتدارده بوئونان زمره سیاسیه بقاسنی اردوده کی طرفدارلرینک قوتنده آرادیغندن اردو ، (۱۰ تموز ۱۳۲۴) انقلابی وجوده کتیرمک و (۳۱ مارت ۱۳۲۵) عصیانکی تسکین ایتمک ایچون مجبوراً و بحق اشتغال ایتدیکی سیاستدن کندینی قورتارامادی ؛ اردونک الک کزیده ضابطلری اردودن انفکاک ایتدیریلدی ؛ اردوده کی ضابطانک پک چوغی وظائف عسکریه

ایله توغلدن ، قیمت حربیه‌لرینی تزییددن صرف نظر ایدهرک سیاسی پروپاگاندا لر و سائرله ایله اشتغال ایتدیلر .

خلاف‌کیر زمرهٔ سیاسیه‌ده عینی طریق طوتدی . اردوده متقابل سیاسی جریانلر باشلادی . تعلیم میدانلرنده ضابطان ، عسکرک تعلیمنه صرف ذهن ایده‌جک‌لری یرده ، چاوشلر عقللرینک ایردییی مرتبه‌ده عسکرله اوغراشدیلر و ضابطان سیاسی مباحثه‌لرله اشتغال ایتدیلر .

ظاهراً اردونک سیاستله اشتغالنه نهایت ویریلیمی ایچون صرف مساعی ایندیلیور کبی ایدی . حتی ۱۳۲۶ سنه‌سی صوک بهار مانوره‌لرینک تنقیدات رسمیه‌سی بیله بونی آمر ایدی ؛ فقط بو فک‌رک تطبیقات فعلیه‌سی اولمادقدن باشقه بالعکس بوض تشویق آمیز معاملات غریبه بردوام قالدی . نهایت ۱۳۲۸ سنه‌سی یازنده خلاصکار ضابطان نامیه مخالف برغروپک تشکلی اردونک سیاستله اشتغالنه قارشو برقانون احداثه مجبوریته حاصل ایتدی ؛ فقط آرتق پک کچ قالمشده

۱۳۲۶ سنه‌سی موسم شتاسنده یمن بحرانی شدت پیدا ایتدی . اردونک قوهٔ موظفه‌سندن مهمجه برقسم ، کزیده پک چوق ضابط و بالخاصه اردونک دماغی اولان ارکان حربیهٔ عمومیه رئیسینه کوندریلیدی . ایشته اوزماندن اعتباراً بزم ایچون بالقان حربینک غائب اولدینی آنه قدر دولت عثمانیه اردوسی دماغندن جدا دوشدی . اردو بر بوچوق سنه ارکان حرب

رئيسندن محروم اولارق ياشامش ونهايت بالقان حاربندە دوت
بش آي مقدم ايكنجى اردو مفتشى وكالة مقام رياسته كتي ريلشدى...
حال بوكە بو اوزون مدت غيبوت زمانندە ، ارکان حربيه
رئيسنك پك مهم وظيفه لرى متروك قالمشدى ..

۱۳۲۷ سنەسى بدايتندە تنسيقات جديدەنك تطيقنە باشلاندى .
اردو اسكى شكلنى كاملاً غائب ايدىيور وپك يكي و صرف مو-
ظف قطعات نقطه نظرندن جداً پك قيمتلى بر ترتيب ا كتساب
ايله يور ايدى ؛ فقط ردیف و ايكنجى صنف ردیف قطعاتنك
تنقيصى كميت و تزيد كيفيته اعتنائى كوستيرر هيچ بر تدبير
موجود دكلدى . ظن ايدىليوردى كە ، كاغد اوزرنده منتظم
اشكال ايله ارأه ايدىلن بورديف ، بالخاصه ايكنجى صنف ردیف
فرقه لرى بر قيمت حربيه يى طائر درلر و تصادف ايتدكلى دشمن
قوتلرني تارومار ايدە جكلر !.....

مع التأسف يكي تنسيقانده تشكيلات قديمەنك اك بيوك
قصورى اصلاح ايديله مشدى . ينه غارنيزونلر روم ايلي يە دولدو-
رولمشدى . حال بوكە هر غارنيزون سفر برلكنى ا كمال ايدە جكى ،
سفر بر حاله كچمك ايچون كنديسنه لازم اولان ا كمال افرادى
و وسائط نقله يى تدارك ايله يە جكى منطقه ايچريسنده بولونمازسه
سفر برلكك صوك درجه دە تأخره و تشويشه اوغرايه جنى آرتق
بوتون عالم عسكرى دە بر حقيقت رياضيه حالنى ا كتساب ايتمشدى .
كرچه روم ايلي و آناتولينك دكزله يكديكرندن آيريش بو -

لونماسی حسیله آنا تولیده کی قطعاتک روم ایلی یه نقلی ایجه کوچ
 وتجمعهک اوزون سورده جکی بدیهی ایدی . فقط بو مشکلاتی
 بالخاصه مرمره حوضه سنده نقلیاته مخصوص ایکی دوزینه کو -
 چوک واپورانشا ایتدیرمکه اقتحام ممکنیدی . خصوصی بر پلانه
 کورده انشا اولوناجق بو واپورلرایچون یالکیز بردفعه (۵۰۰,۰۰۰)
 لیرا صرفی کافی ایدی . بو پارده ده (۹) میلیون لیرالق حربیه
 بودجه سنده بویوک بر یگون تشکیل ایده مزیدی . بوندن باشقه
 تجارت بحریه او قدر ثمره دار ایدی که بر قاق سنه صوکرابو
 واپورلرک اثباتی هر حالده چیقارمق ممکنیدی .

حال بوکه غارنیزونلری روم ایلی یه دوله ورمقله قازانیلان شی
 انسانسز و حیوانسز بر آلائی مالز مه دن عبارت ایدی که نتیجه ده
 بومالز مه ، سفر برلک وتجمعهی سریعاً اکمال ایدن دشمنلر مزک
 اللرینه دوشه جک ایدی . ایلك یورغونلقلر اوزرینه قطعات
 یکدیگرینه قاریشه جق و آنا تولیدن کله جک اکمال افرادی
 ووسائط نقلیه آرتق بردها قطعه لرینی بولامیه جقدی . بو حقیقت
 حربدن صوکرابو تحقیق ایتمش بر نظریه دکلدی . بو ، بالخاصه
 (آلمان - فرانسنز) حربندن صوکرابو تمامیه تبین ایتمش بر قاعده
 علمیه ایدی . حربدن اول بزم محافل عسکریه مزده ده موضوع
 بحث اولمش ایسه ده مع التأسف قبول ایدیله مشدی . نهایت
 بالقان فلاکتندن صوکرابو قاعده یه مراجعت ایدیلدیه ده ، نه
 یاپالم که ، بو تجربه پک بهالی ، پک آجیقلی وقائی اولمشدی .

ردیف مفتشلىكلرى تەقسىماتىلە اردو مفتشلىكلرى تەقسىماتى دە
 بىر بىرگە توافىق ايتەيوردى . تەبىر دىگەرلە ھەر قول اردونىڭ
 مەن بىر اخذ عىسكىر وسىفر بىرلەك دائىرىسى ، مەنطقەسى يوقىدى .
 وقت خىزىدە ردىف فرەقەلرىنىڭ قادىرلىرى اخذ عىسكىر مەن -
 مەنلىلە اشتىغال ايدىيىلەردى . ردىف فرەقەلرىلە قول اردو ويا
 مۇظف پىادە فرەقەلرى بىنئەندە ھىچ بىر مەنسەبەت مۇجۇد اولما .
 دىغەن ردىف ضابىطانى وقت خىزىدە وظائف خىزىيە تەمەمىلە
 بىكەنە قالىيوردى ؛ كذا ردىف فرەقەلرىنىڭ مەقدارىلە مۇظف
 پىادە فرەقەلرىنىڭ مەقدارى آراسىدە بىر آھەنك مۇجۇد اولمىدىغەن
 سىفر بىرلىكىدە ردىف فرەقەلرىنە سوارى ، طوپچى وسائىرە كى
 صنوف مەاونەنك توزىع و تەقسىمەندە مشكلات تەخدىت ايدەجك
 وبويۇزدىن مەن بىر نىظام خىزىر مەخفەزەسى غىر مەمكىن اولاجقىدى .
 ردىفلىك شو مەخزۇرلىرى سەنەلەردى بىر ارباب علم و فن نەزەندە
 مەلۇم اولدىغى خالە تەنسىقات جەدەدە مەخزىر مەكۇرەنك
 ازالەسە توسل ايدىلەمشدى .

پاى تەختە بولۇنان اسلەھە و مەمەت خىزىيە فابرىقەلرى
 درجە كەفەدە پىادە فەشنىكى اعمال ايدە بىلىيوردى . دور مشرۇ -
 طىتە پىادە اىچۇن سىيورى قورشون قبول ايدىلەمش ، فەشنىك
 فابرىقەسنىڭ بوكا كۇرە اصلاخە ھەمەت اولۇنمىشىدى ؛ تەفەك
 نەشانىكەلەرى بو قورشونە كۇرە تەدەل ايدىلەش و ھەمەن تەكمىل
 جەبخانە بو يىكى فەشنىكە تەدەل ايدىلەشىدى ؛ فقط بوتون بو ھەمەن

اردونك ظاهرى اصلاحاتى زمرەسندن ايدى . بوقورشونلرى
تفنگىرلى قوللاناجق انسانلر اوسويە چىقاريلماقدن صوگرا
اونلر ك طاش و صاپاندن فضله قيمتى يوق ايدى . ناصل كە اوزم
سيورى قورشونلى ، كوزل كىنىش عىسكرلر مىزى عادى قور-
قورشونلى ، نقصان مچىيزاتلى بولغار عىسكرى پاى تىخت قايلرىنە
قدر سوروب كىتىرمىشى

خاقان مخلوع زمانندە فىشك فابرىقەسىنە صرف ايدىلن
هەت طپە و طوپ مرمىسى فابرىقەلرىنە صرف ايدىلمىكىندىن
طوپ مرمىاتىك اعمالاتى محاربە صرفياتى تلافى ايدىجك در-
جەدە دكل ايدى . انقلاب سياسىيى متعاقب بوقصور تصحيح
ايدىلمەدى ؛ حال بو كە طوپ ، تفنگ و كىنىك خارجدن تداركيا
بونلر ك صرف ايدە جىكرلى جىبخانەك و بر در جەيە قدر كومورك
خارجدن تداركى يىنىدە يك بويوك فرق واردر . حرب اثناسندە
صرف اولوناجق جىبخانە ، مەمات ، ارزاق و سفر برلكدە
تداركى ضرورى وسائط نقلية يى كىندى مملەكتىندە اعمال و تدارك
ايدە مەين ملتىر مع التأسف ثباتكارانە بر حرب اجراسندن و بناءً
عليه محافظە استقلاللرندن آمىن اولامازلر .

ايتاليا حربىك اوزون مدت دوامى غربى اوروپادن مەمات
حربىيە تدار كىندە مشكلات حصولە كىتىرمىشى . موجود طوپچى
جىبخانەسى آنچق بر ايكي ميدان محاربەسە كافى ايدى . محافل
عسكرىيە طوپ باشنە يك مرمى حساب ايدىيور و بونى بر حرب

ایچون کافی کوریوردی . حال بوکه ، زمانمز حربلرنده میدان محاربه لری اوچ درت کون امتداد ایدیور ! اکثر باطاریه لر کونده لا اقل طوپ باشنه ۲۰۰ مرمی صرف ایدیورلر . (روس - ژاپون) حربی میدانده ایدی . یالکیز موقدهن میدان محاربه سنده بعض ژاپون باطاریه لری طوپ باشنه ۵۰۰ مرمی صرف ایتشلردی . شو حالده طوپ باشنه بیک مرمی بر ویاییکی میدان محاربه سنده توکه نیز . اگر حکومتک فابریقه لری بو ائنده صرفیات واقعه یی تلافی ایده جک درجده مرمی اعمال ایده بیلیرسه اوزمان وقت حضرده طوپ باشنه ۱۰۰۰ مرمی حاضر بولوندورمق کافیدر . بومسئله ده حربدن اول برقاچ دفعه موضوع بحث اولمش ایسه ده زمانمز حربنه غیر واقف رجالک مظهر تقدیری اولامامشدی ؛ فقط بالا آخره اردو بالقان حربنده طوپچی جبخانه سنجه بویوک صیقینتی یه دوچار اولدی ؛ ده پولرده موجود طوپچی جبخانه سی (لوله بورغاز) میدان محاربه سنی متعاقب بیتیشدی . برکت ویرسون که ، حربک بدایتده همان ایتالیا ایله صلح عقد ایدیلهرک آلمانیا ده احضار ایدیلش اولان طوپچی مرمیاتی رومانیا طریقله جلب ایتک وبرنجی چتالجه محاربه سنک صوک کونلرینه یتشدیرمک قابل اولدی . اگر رومانیا مساعد بیطرفلق کوسترمه سیدی نه اولاجقدی ؟ . . .

اعلان مشروطیتی متعاقب اغتشاشلرک کسپله جکی ، اردونک

منحصراً حربه حاضر لائقون وقت بولاجنى ظن ايسيشدى؛
 حالبوكة ، بالعكس دور مشروطيتده وقوعه كان اغتشاشلار دما
 چوقوصيق اولدى . اردوينه ژاندارمه خدمتندن قورتولامادى؛
 عىنى زمانده خاقان سابق دورنده قوللانيلان سقيم اصولده باقى
 قالدى : عصيانى تاديبه مأمور اولان قطعات سفر بر اولمادان
 سوق ايديليوردى . بواسولك بر حرب ظهورنده نه قدر وخيم
 تشوشانى موجب اولاجنى تأمل اولونمايوردى .

وقت حضردهكى اردو آنحق بر مكتب ، سفر بر اردو
 ايجون بر اساسدر . هيچ بر زمانده بر اردو حضرى حاليله
 بر قوه حربه ، بر قوه سفر به تشكيل ايده مز . حال صلحه
 قطعات غايت ضعيف موجودليدرلر . بونلر حال حضريده
 عصيان تادينه مأمور اولورلر سه هر طابور آنحق ۱۵۰ : ۲۰۰
 تفك غوثايه صوقايلير . شو حالده بر محله ۱۰,۰۰۰ محارب
 سوق ايده بيلسك ايجون ۵۰ طابور عسكر كوندرمك لازمدر .
 حال بوكه سفر بر حالده بر فرقه ، ۱۰ طابور عسكر بو موجوده
 تقابل ايدر . بوندن باشقه عصيانك تاديى ائناسنده بر حرب
 ظهور ايدر سه بو الى طابور عسكر سفر بر ليكلرى كاملاً
 قاريشير ؛ چونكه اونلر ك سفر بر لك پلانلرى معين اولان
 غاريزونلر نده قالدقلىنه كوره تنظيم اولونمشدر . او طابورلرى
 عصيان علندن قالد يروب غاريزونلرينه كتيرمك بعده سفر بر
 يايحق لك چوق زمان ضياعنى مستلزم اولور . بعضاً احوال

حربىيە عصيان مۇخلەندە قالمالارنى دە ایجاب ایدە بیلیر. ایشته بالقان حربىندە برنجی فرقه نك و یمندە کی قطعاتك حالى شو خصوصه برر آجی مثالدر. حال بوکه عصیان تأدینه مأمور قطعات سفر بر اولارق سوق ایدیلیرسه هم آز جزؤ تام یورولور؛ هم بر حرب ظهورنده سفر برلك تشوش ایتمز ؛ هم ده عصیان مۇخلەندە قالمق لازم کلیرسه آز جزؤ تام حربە اشتراك ایتەمش اولور. بواسولك یالکز بر محذوری وارد که اوده قوه تأدیه نك سفر برلکی حسینیه مصرفک تزایدی واحتیاطلرک سلاح آلتیه جلیدر ؛ فقط آز مصرفله عصیان تأدیپ ایدلم دیرکن مدافعه وطنک تهلکیه دوشه جگنی اصلاً خاطر دن چیقارماق لازمدر .

تورکلرک عسکرلکی عصرلردن بری معروفدر. بوشهرت تورك عسکرینک جسارتندن ، قناعتندن ، متانتندن انبعاث ایدیوردی . بو خاصه لرك ینه عسکر مزده موجود اولدیغنه شبهه ایتەملیدر . تورك عسکرى جسور ، قناعتکار و متین ایدی ؛ بو عسکر ینه او جسارتنى ، او قناعتنى و متانتنى غائب ایتەمشدر ؛ هر زمان ابرار ایدە بیلیر ؛ بز ، بو کونکی تورکلر ویانه اوکلرنده آت اوینسادان ، ویانه قاپولرینه (یارب بزى تورکلردن محافظه ایت) دییه یازدیران جدلرمزك اوزاولادی یز ؛ وارنه ، نیکبولى محاربه لريله بو کونکی بولغارستانک وجودینی قالدیران ؛ قوصوه اوواسنده ، آمزهل صحراسنده ایکی دفعه صرب اردوسنی محو ایدرک صربستانک نامنی تاریخدن سیلن

ترکلرک احفادی یز . بز اوتاریخلری یینه یاشادابیلیرز ؛ فقط
بزم قلنجلرمن بر عصرلق سوء استعمالدن پا‌صلانمش ، باروتمز
نم آلمشدر ؛ جسامتمز ، قناعتمز ، متانتمز یینه موجوددر .
فقط اویوشمشدر ؛ یالکز برشیئمز اکیلمشدر : اوده علو
همت وعزم صاحبی رجاملز ...

بز تورکلر ، بزه دلالت ایده‌جک ، اوگمزه دوشوب حسن
مثال اولاجق ، زمانمز اصول حربنی اوکره‌ته‌جک ضابطلر
وقوماندانلرک‌الی آلتنده بولندجقه وتربیه اولدجقه همان‌وپاسلری
سیلر ، نملری قورودور ، اویوشوققللری سیلکر وشانلی
اجدادمزک بوتون مفاخرینی تکرار ایده‌رز ؛ وایتدک . ایشته
طرابلس سفرنده ، بالقان حربنده بونجه خطالر ، ذلتلرمیاننده
ینه‌کو‌کسمزی مفخرت‌ایله‌قاباردان شانلی قهرمانلقلرک‌موجودتی
بوکا دلیدر .

اسکی تورکارده منفرداً برر قهرمان دکادیلر ؛ فقط
فداکار و متین ضابطلرک ، قوماندانلرک‌الی آلتنده هیئتلر وجوده
کتیرنجه ، بونلرک‌ه‌بری برر سیار قلعه‌آهنین ، اکثریا برر
کتله‌رعدو برق تشکیل ایدیورلر و قارشیلرینه چنلری زیر
وزبر ایدیورلردی . اوزمانک عسکرلکی فداکارلق و متانتدن
باشقه آته بینمک وقیلنج اوینامنی کافی بولیوردی . بونکله‌برابر
ینه اسکی تورک‌اردولری حضر زماننده متمادیاً تعلیم وتربیه‌دن ،
جرید اوینامقدن حالی قالمایورلردی .

رکونکی عسکرلک ایسه برفن ، بر صنعت حالنی آلمشدر .
 پک چوق شیلری متمادیاً تعلیم و تحصیل ایتک لازم کلمشدر .
 ایشته بز بونلری اهل ایتدیکمزدن قلنجمزی پاصلاتدق ،
 باروتمزه نم قاپدیردق . تحصیل ، تعلیم و تربیه اهمیت ویرمد-
 یکمزدن دولایی فداکار و متین ، صنعتنده ماهر ضابطلر
 وقوماندانلر یتشدیره‌مدک .

ترقیات فیه عسکرلکی ، حربده مظفر اولغی پک نازک بر
 حاله قویمشدر . بو کون مظفر اولق ایچون فداکارلق و متانتله
 برابر ، بر اقتدار علمی ده لازمدر . بو اقتدار علمی اردویی
 تشکیل ایدن هر فردک موقعنه کوره تحول ایدر . بر پیاده نفری
 ایچون اقتدار علمی : ای یورومک ، تفکنی ای قوللامق ،
 اراضیدن استفاده ایتک و متمادیاً دشمنه دوغرو تقرب ایدره‌ک
 نهایت سونکویی اونک کوکسنه صاپلامقدن عبارتدر . بر ضابط ،
 بر قوماندان ایچون اقتدار علمی : معیتنه ویریلن افرادی ،
 قطعاتی ای یورومک ، ای بسلهمک ، دشمنی دائماً تدارکلی
 قارشیلانمق ، اراضیدن استفاده ایتدیره‌ک ای ترتیبات آلق ،
 ینه عسکرله برابر یورومک ، دشمنه دوغرو تقرب ایدوب اونی
 محو و پریشان ایتمکدن عبارتدر ؛ فقط بیلیرمیسکزکه ، بو برقاچ
 کله ایله خلاصه ایدیلن شیلر نه قدر اوقومغنه ، اوکرنمکه ،
 چالیشمغه و چالیشدیرمغه محتاجدر ؟ بونلر آنجق وقت حضرده
 کیجه‌لی کوندوزلی تعلیم و تربیه ایله ، نظری و عملی چالیشمق

ایله اکتساب ایدیلیر . . .

یالکیز عسکر مزك فداكارلق و متانتنه کوه نه‌رك وقت
حضر تربیه و غیرتنك لزومسز اولدیغنه، بوعسکرله خارق‌العاده
ایشلر و مانورلر یاییله جغنه حکم ایتک نه قدر مضر برفکر،
بر قاعته‌در . نته کیم طرابلس مدافعه‌سندن بویله سقیم نتیجه‌لر
استخراج ایده‌رك کندی میزى آلداتمش ایدک : تعلیم و تربیه‌سی
مفقود و یا پک جزئی عسکرله آنجق ، باش‌لرنده صاحب
عزم و متانت و فداکار ضابطان بولونمق شرطیله، مدافعه‌حرپی،
موضع‌مستحضر و قلعه مدافعه‌سی اجرا ایدیله بیلیر . یوقسه بونلر
برنجی خط عسکرى اولارق قوللانیلاماز و بونلرله هیچ بر
مانورده یاییلاماز . بو قاعده اوتدن برى فن حربجه معلوم و
پک آجی تجربه‌لرله مثبت‌در . (۱۸۷۰) سنه‌سنده فرانسزلرك
و قتیله دعوته اجابت ایتدینلردن، معینسزلردن (تعبیر مشهوریله
اسنان تجاوزلرندن) ، کولکلیلردن (غاردمو بیل - قوه سیاره)
نامیله تشکیل ایتدیکلری اردولرك ، عددجه آلمان قطعاتنه فائق
اولدقلری حالده، ناصل پریشان اولدقلری و برقاج هفته ایچر -
یسنده ناصل اریوب محو اولدقلری معلومدر . مع التأسف
اعتراف ایده‌لم که ، اردومن تاریخك شو قانلی وفلاکت انکیز
صحیفه‌لرندن عبرت آلمادی و بو جنس عسکرى متعاضاً برنجی
خط عسکرى میاننده حساب‌ایتدی و قوللاندی . عینی عسکر
بو دفعه‌ده ادرنه، اشقودره و یانییه‌نی ثباتکارانه مدافعه ایتسنه

مقابل صحرا محارباتنده ایقاع ایتدکری فلا کتله کورولدی .
 ۱۶ سنه اول یاپدیغمز یونان حربی کرچه قازانمشدق ؛ فقط
 نه کی شرائطله قازانا بیلدی کمزی ارباب فن بیلیر . ده اوزمانده
 اردونک تعرضی حرکات اجراسنه مقتدر اولمادیغی ، مانووره
 اقتدارندن محروم اولدیغی ، افراد وضابطانک دوردقلری یرده
 بوشنه تفنک آتمقدن باشقه برشی بیلمدکری ، قوماندا وارکان
 حربیه هیئتلرینک کلیاً جاهل و بی بهره اولدقلری تبیین ایتمشدی .
 غولچ پاشا حربی متعاقب نشر ایتدیکی کتابیله بو احوالی کمال
 نزا کتله اردومزه آکلاتمق ایسته مشدی ؛ فقط آکلامق دکل
 عجبا او کتابی قاچ آدم او قودی ؛ ده ا لسانمزه بیله نقل ایدلمه .
 مشکن انجق کچن سنه بر صاحب همت بو بویوک نقصانی
 قاپادی [*] .

فن حربک بدیهیاتدن معدود اولان شو قواعدندن بر
 عصری متجاوز بر زماندن بری تغافل ایتدی کمز جهتله تاریخ
 حربک صوک عصر وقایعنی حا کی صحیفه لرینه آنجق سلسیره ،
 پلونه کی شانلی مدافعه لر قید ایتدیره بیلمش ایدک و بو حال
 عثمانلی عسکرینک یالکیز مدافعه حربنه ، هر طرفی قاپالی بر محله
 جسورانه و ثباتکارانه بر صورتده حرب ایتمکه الویریشلی اولدیغی
 فکرینی ، زعمنی تولید و تعمیم ایلهدی ؛ حال بوکه بو قیمت حربیه جه

[*] عثمانلی - یونان سفری — مترجمی : یعقوب شوق بک —

حربیه مطبعه سی - ۱۳۲۷ .

پك ياكش بر حكمدر. اساساً انسان مالزمهسى پك چوق
ملتلك غبطه ايدە جكلرى درجەدە خواص حربىيە مالكدەر؛
فقط كرك قوماندانلردە وضابطانده ، كرك افراددە معلومات
واققدار عسكرينك فققدانى ووقت حضرده كيجەلى، كوندوزلى
قطعاتك تعليمنه ، ضابطانك توسيع معلوماتنه غيرت ايدلمهسى
اردونك موفقيتنه صحرا حربى اجرا ايدە بيسله جك درجەيە
كلهسنه مانع اوليور. حالا مكتب حربىيەدن تعليمنامەيى اوقوديني
زمان آ كلاميان ضابط يتيشيور. شو قصورلر برطرف ايدلسە
ايدى، شانلى مدافعلەرە خارقه نوعدن سوق الجيش مانوورەلرى،
موفقيتلە تتوج ايتمش ميدان محاربهلرى علاوہ ايتديرە بيليردك
وايتديرە بيليرز . . .

جهاد و شهادت صورتيلە دين ميين اسلامك اردومزه
بخش ايتديكى معاونت معنويه بى نظيردر؛ فقط خرسيتيانلرك
وموسويلرك اردويه قبولى شو معاونت دينه دن لزومى درجە.
سندە استفادەيە مانع اولمشدر. اك بخرانلى زمانلردە افرادك
غيرت دينهلرينى تهبيج ايدەرك ثبات وفداكارلق ابراز ايتلرينى
تأمين ايتك ممكن ايكن افراد مسلمە آراسندە خرسيتيان
وموسويلرك موجوديتى بوكا مانع اولمشدر .

دشمنلر مزك عسكرلرينى تهبيج وتشويق ايچون سفر برلكدە
عادتا يكرمىچى عصرك اهل صليب سفرى كشاد اوليور مشجە.
سنه بياننامەلر نشر ايتلرى بزم افراد غير مسلمەيى مجاهدین

اسلامیه میاننه ادخال ایتمک لکمزه قارشى نه آجى، نه قدر عبرت آمیزدر. حربده مغنویاتک اهمیت عظماسی بدیدار وبالقان حربی فلا کتبلهده تأید ایتمش اولمغله آتیا دینمزک مظاهرتندن تماماً استفاده ایچون افراد غیر مسلمه یی منحصرأ اطفائی طابورلرینه، صنایع طاقملرینه، نقلیه وتلغراف قطعاتنه، ژاندارمیه و بحریه نك بعض خدماتنه تخصیص و اعطا ایتملی ؛ و بورالرده دخی وطنپرورلکه مغایر بر حرکتده بولونمالرینه مانع اولمق ایچون افراد مسلمه ایله عینی نسبتده بولوندورمالیدر؛ بونکله برابر بدل عسکری یی دخی مکلفیت عسکریه نك دوام ایتدیکی ۲۰ ویا ۲۵ سنه ظرفده هر سنه تأدیه و یا تحصیل اولونمق اوزره آیده فرضا یارم لیرا کبی بر عسکری ویرکوحالنه افراغ ایتملی؛ شو صورتله بدل ویرمکی تسهیل ایده رک هم وارداتی تزئید وهم بالفعل مدافعه وطن فکریله علاقه دار اولمایان قبلری اردودن اوزاق طومالیدر .

خلاصه، اردونک اسلحه و تجهیزاتاتی دشمنلرمزه نسبتله حقیقه بر ایمراطورلغه ، پادشاهلغه لایق درجهده ای ایدی. تفنکلرمز وسریع آتشی طویلرمز دشمنلرمزک کیلر قدر مکمل و مقداری ایسه دها چوق ایدی. البسه و آیاق قابی خصوصیهده ینه دشمنلرمزه نسبتله پک مکمل ایدی. یالکیز درت سنه‌دن بری آلسان تخصیصات عسکریه کاملاً ماوضع لهنه صرف ایدیلمه دیکندن، موظف پیاده آلایلرینک ماکنه لی تفنکلری

اتمام ايديله مەمش ایدی؛ اکمک ساجلری ترک ایدلدیکی حالده
هنوز سیار مطبخلر آله مامشدی؛ حیوان موجودلری غایت آز
ایدی. حال بوکه پک چوق لزومسنز مصرف و مأموریتلر لغو
و تخصیصات حسن اداره ایدلسهیدی، بونلرک هپسنى اکال
ممکن ایدی [*].

هیئت ضابطان متجانس دکل ایدی. صورت عمومیهده
ضابطانک یتیشدیریله سنه لزومی درجده اهمیت ویریله یوردی.
وظیفه لرینه بحق واقف، غیور وفداکار ضابطان موجود
اولمقلا برابر اهلیتسزلرده پک چوق ایدی. صوگ سنه لرده
آلمانیایه ایجه ضابط کوندریش و متباقیسنکده توسیع معلوماتی
ایچون پک چوق آلمان ضابطانی جلب اولونمشدی. اولجهده
یازیلدیغی اوزره متعدد مکتبلر و تعلیمکاهلر آچیلارق ظاهرأ
ضابطانک توسیع معلومات و ترییداقتدارلرینه غیرت ایدیلیوردی؛
فقط مکافات و مجازاتک بحق اجرا ایدیله می، چالیشانلرک
تشویق و تلطیف، چالیشانلرک تجزیه و اخراج ایدیله ملری
ثمرات مفیده استحصالنه مانع اولیوردی. ارکان حربیه هیئتی
عهده سنه ترتب ایدن وظائف جدیه ایله متناسب دکلدی. ارکان
حربیه ضابطانک توسیع معلومات ایتلری ایچون منتظمأ نه

[*] مثلاً بو کون بیه ژاندارمه افرادینک قاصطوره لرینه ماویلی
قیرضیلی پوسکول طاقا جغمزه بو پارەینی باشقه برخیرلی بره صرف
ایتمک دهأ معقولدر.

حرب اويونلرى، نە تەيىيە تەطىيقاتلرى ونەدە ارکان حربىيە سىيا-
 حەتلرى پايلمايوردى؛ قطعاتلە تەماس واشتغاللرى ھان يوق كې-
 ايدى . بىۈك قطعاتى سوق وادارە ايدەجك ، حرکات جسىمە
 حربىيەيە واقف قوماندانلارنى تەمىلە مەفقود ايدى . بەض
 ساختە شەرتلەك مەھىت حەقىقەتلەردە بو حرب ائناسندە تەمىلە
 تەظاھر ايتدى . ازدونك اك كرىدە وفدا كار ضابطلەرنەن چوغى
 يەندە ، طرابلس غەرب و بىغەزىدە بولونىيوردى . آنا وەندە
 قالان ضابطان ايسە وەظائف عەسكەرىدەن زىادە اختلافات سىياسىيە
 ومەسائل داخلىيە ايلە مشغول اوليورلردى .

ايشە حرب حاضەرلەي بو درجە ناقص اولان بر اردودن
 بويۈك موفقىتلار انتەظار عەشىدى .

بحریہ یہ اہمیت و یرمہ مک

خاقان سابقدن مدور فوہ بحرہ نك كهنه، قیمت حربیہ سی
 غایت آرز برقاچ کمیدن عبارت اولدینی هر کسجه معلوم ایدی .
 چکن یونان حربنده خلیجده کی هیولالرك چاناق قلعهده
 قالدققرینی کورونجه، خاقان سابق بحرہ یہ بر آرز عطف دقته
 باشلامشدی. اردویہ آلدینی سلاح وجبخانه نسبتنده بحرہ یہده
 برقاچ یکی کمی تدارك و اسکیلردن بعضیلرینی ده تعمیر ایتدیر-
 مشدی. تدارك اولونان یکی کمیلردن حمیدیه و مجیدیه اسمنده کی
 ایکی قرووازورله فرانسهده یاپدیریلان درت طورپه دو مخربی
 حقیقه ای ایدی ؛ فقط ایتالیا دان مبیاعه اولونان طورپه دو
 بو طارله آلمانیا دان آلتان پلنك دریا، پیک شوکت ، برق سطوت
 اسمنده کی طورپه دو قرووازورلرینك هان هیچ بر قیمت
 حربیہ سی یوق ایدی . سرعتلرینك آزلنی آنحق غلبوط
 وظیفه سنی کورمکه مساعدده ایدیور ایدی. اسکی کمیلری تعمیر
 ایچون صرف ایدیلن پاره لره کلنجه بونلر بوس بوتون بیهوده
 مصرف ایدی . هیچ دوشونولموردی که ، بالخاصه بحرہ ده
 کهنه جیلنك پك مضردی . دول اجنیه ۲۰ : ۲۵ سنه لک

لغت اولسون « ديه‌رك قالقدی کیتدی وتکرار انکلتره بحریه‌سنه کیره‌رك انکلیز بحرسفید فیلوسی قوماندانلغنی درعهده ایتدی . ایشه بز بو پك دکرلی آدمی غائب ایتدکن صوکر ا بردها بحریه‌مزده صلاح بولامادق .

حکومت هر نه‌دن ایسه بحریه قارشی غریب بر طرز حرکت تعقیب ایتدی . اردو ایچون نقداً چوق فداکارلقد بولوندی ؛ بحریه بالعکس قیصقاندی . اردوده تعلیم و تربیه‌دن زیاده مالزمه تدارکنه اهمیت ویریلدی ؛ بحریه‌ده بالعکس وسائط حربیه تدارکندن زیاده تعلیم و تربیه همت جهتنی ترجیح ایتدی . کرچه بز دول معظمه بحریه‌لریله هیچ بر زمانده بوی اولچوشه‌میه‌جکدک . قوتلی بر بحریه آنچق زنکین بر دولت ، ملت نائل اولابیلیر . وقتیه یلکن ، اخشساب کمی دروننده برسنه‌ده یکیدن بر فیلو وجوده کتیرمشدک ؛ فقط شیمدی الکتریک ، چلیک دورنده بویه برشیئه امکان یوقدی .

بزم ایچون مضر ، تهله‌کی قومشولرمزدن آنچق یونانک بر دونماسی وار ایدی . بولغار دونماسی هنوز رشیم حالده ایدی ؛ موجود کیلرمز یونان دونماسیله قارشولاشاق حالده دکل ایدیلر . حال بوکه یونان ایله پای ایدیه‌جک قوزمز وار ایدی ؛ بناءً علیه یونان دونماسه تفوق لازمدی .

شبهه‌سز استقلال مملکتی تأمین ایچون دونمادن اول اردویی احیایه لزوم وار ایدی ؛ دونما پک آغیر مصرفی مستلزم اولدیغندن

وضعیت اقتصادی من نقداً بویوک فداکارلقلردن چکینمکی ایجاب
ایتدیریوردی ؛ فقط بویله در دییه هیچ برشی یایمامق موافق
دکل ایدی .

بر کره دونمایه لزوم وارمی یوقی ؟ محاکمیه بورادن باشلامق
لازمدر . بوقدر واسع سواحلی ، آطه لری طرابلس و یمن کی
مطلقاً بحری مواصلهیه محتاج اقسامی بولونان بر مملکت ایچون
دونمایه لزوم یوق حکمنی کیمسه ویرمن . لزوم وارسه اک
آشاغی یونان دونماسنه تفوق لازمدر . چونکه بوندن باشقه
اک یقین ، اک بایاغی خصم بحریمز یوقدر . اویله بر خصم که
کندینه میال اولان اهالی ایله مسکون آطه لر من وسواحل منز حقدنه
پک خائنانه امللر بسلر .

بوندن باشقه مملکتده دمیر یولی یوق . یایلماسی ده ایچه
زمانه متوقف .. سوریه ، یمن ، طرابلس کی اقسامدن هر هانکی
بردار الحربه قوه عسکریه سوقی قوه بحریه نک معاونته محتاجدر .
آناطولی ایله ماکدونیا آراسنده اتصالات بحریه نک محافظه سی
ینه بوقوته لزوم کویستریر .

اکسیک حسابلر یاییلارق اک یقین خصم لر من منفرداً
تأمل اولونورسه اوزمان یا کلیش بر حکم ویریلیر ؛ مثلاً بولغار ،
صرب و قره داغک قوه بحریه سی یوقدر . یونانک وارسه ده
اوکا قارشنی برأ قوه قاهره یه مالکیز ؛ بناءً علیه شیمیدیلک
دونمایه عاجل بر احتیاج یوقدر دینیر ؛ فقط حقیقت بویله دکلدر .

بولغارلرله يونانك اتفاق ايتمىي ويا هرهانكى برسېدن برسېله
 حرب ايدركن ديكرينك انتهاز فرصت ايدرك كندى پاينه
 اعلاز حرب ايتمىي حالنده وضعيت نه اولور؟ نته كيم نه اولدى!...
 (دده اغاج - سلانيك) خطى كسييلهرك ماكدونيا ايله
 برا ارتباط منقطع اولورسه يونانه قارشى سوق ايديلن قوت
 پريشان اولمازى ؟

حتى يونان ايله قره داغ عيني زمانده بزه قارشى حرب ايتسه لر
 قره داغه قارشى ناصل سوقيات ياپاچقدق ؟.. كوروليووركه يونان
 دوغماسنه تفوق هر زمان اچون لازمدى . بوتفوق عيني زمانده
 يونانى حرب ايتمكدن منع ايدى جكدى . چونكه سائر بالقان
 حكوماتيله مشتركا حرب ايتسه ده قوه بحريه مزك يكانه هدفنى
 تشكيل ايدى جكدن بويوك ضررلره دوچار اولاجق ايدى .
 كرچه دول معظمه دن هرهانكى برسېله حرب حالنده
 عيني محاذير موجود ايدى ؛ فقط اونلره قارشى تفوق امكانى
 شيمدى موجود اولمادينى كې اونلره حرب احتمالى بالقان
 حكوماتيله اولدينى قدر قوى دكل ايدى . دول معظمه دن هيچ
 برينك بالقان حكومتلريله تشريك مساعى ايدرك بزه قارشى
 برلكده حرب ايتملرى محتمل دكل ايدى .

اردويه ويرديكمز مليونلرك هيچ اولمازسه هر سنه برميليون
 ليراسنى انشاآت بحريه صرف ايتسه يدك، بوكون المزدده لااقل
 ايكي دريدناوت اولور ايدى .

امور بحریه‌ده طوتدیغمز سقیم اصولاردن بری‌ده اردویه منسوب برذاته بحریه نظارتی تفویض ایتمکدر. عجباً بواصولک تطبیق اولوندیغی دیگر بر مملکت ده‌ا وارمیدر ؟ آمریقا‌ده ، انکلت‌رده ، فرانسه‌ده سیویل‌لردن بحریه ناظرلغی ایفا ایدنلر وارسه‌ده هیچ بر جنرال آمیرال موقعنه کچه‌م‌مشدر . اوندن باشقه او مملکت‌لرده اکثریا حربیه نظارتی‌ده سیویل‌لر طرفندن درعه‌ده اولونمق‌ده‌در .

هر حال‌ده مسلک بحرینک کندیسینه مخصوص بیلنه‌جک شیلری واردر . باخصوص زمانم‌زده امور بحریه اردودن‌ده‌ا زیاده تراکت و مشکلات کسب ایتمشدر . شو حال‌ده بونلرک باشنه کچه‌رک ناظرک امور بحریه‌ده اختصاص پیدا ایتش اولماسی ، بر آمیرال قدر فن حرب بحریه واقف اولماسی ، بر چرخ‌چی قدر ماکنه‌لردن آکلاماسی ، بر انشائییه مهندسی قدر انشاآتی تدقیق و تقدیر ایتسی لازمدر . عکسی تقدیرده آکلامادیعی برایشده آکلایانلر طرفندن اغفال ایندیلیر . طوغری مدبعیات ایله سقیم اصرارلری یکدیگرندن تفریق ایدم‌ز ؛ حاصلی باشقه سنک ایلله ابلک اولماز . اکر موجود ارکان بحریه آراسنه ناظرلغه لایق اولانلر یوقسه ده‌ا کوچوک رتبه‌لیلر میانسندن تفریق اولونابیلیر . هر حال‌ده اردودن بر میرآلای ، بر میرلوا کتیرمکدن ایسه بحریه‌دن بر میرآلای ، بر قالیون قاپودانی کتیرمک ده‌ا طوغرودر .

بحریه ده ، پاره سز ، اصلاح اولوناجق پك چوق شیلر وار ایدی . بوکون بیله دونمزمده کی کمی عددیله غیر متناسب مقدارده بحریه ضابطی واردر . عجبا بونلرله قادرونی طاشیر - مقده ، بودجه یی قابارتمقده نه معنا واردی ؟ بوقدر کثرت ، جهالتی تمیزله مك ایچون غایت کوزل برواسطه دکلیدی ؟ برکره دول بحریه استاتستیکلری تدقیق اولونورسه اونلرک افراد و ضابطانی آراسنده کی نسبتله بزم کیلر آراسنده نه قدر بویوک بر فرق اولدینی و بزم افرادمزه ، کیلرمزه نسبتله درت مثلی فضله بحریه ضابطی بسله دیکمز تعین ایدر .

بوندن باشقه اردوده کوچوک ضابط نه قدر اهمیتی ایسه بحریه ده کوچوک ضابط ، کدکلی اوندن برقچ قات فضله اهمیتده در . برکیده ، زمانمز مخترعات فیه سنک جمعی اولان بردریدناوتده افرادک استبدال اولماسی ، ضابطانک تبدیلیتمسی کی حالاتده کمینک حیات منظمه دائمه سنی ادامه ایدن ، افراد وضابطانک عجمیلکلرینی ازاله ایدن آنجق کدکیلردر . قوجه ۲۸ سانتیمتره لک طوپک بهری بر آووج لیرا قیمتنده اولان مرمیاتنی هدفه اصابت ایتدیرمک ، بوشه دوشورمه مک ایچون سنه لرجه او طوپک باشنده خدمت ایتمش ، تارده تک هر دورلو خواص ونواقصنی آکلامش ، حتی برایکی محاربه یامش کدکلی نشانجیلره لزوم کوسترر . ایشته بوقدر لزومی اولان دائمی کوچوک ضابطان ایچون اساسلی هییچ بر تدبیر اتخاذا اولونمادی

بحریه ده موجود فضله ضابطان یرینه بو کدکیلری تأسیس ایتک
پک اعلا قابلدی .

۱۳۲۵ سنه سنده کرید مسئله سندن دولایی یونان ایله بر
حرب احتمالی صوک درجه قوت پیدا ایتدیکی زمان دونما مزک
ازهر جهت یونان دونماسندن آشاغیلغنه آرتق قناعت کتیر یلشدی .
موجود کمیلر آنجق بر موزده ده کی اشیا کی کهنه و چشیدلی ایدی .
بزم بحریه مزده اوتهدن بری موجود اولان اک بویوک قصور
(عدم تجانس) در . برموده لده ، بر یستمده بر قاق کی اندردر .
هپسی باشقه باشقه چشید تشکیل ایدر .

آمرال کیدی دییه قوللانیلان مسعودیه بولمه سز ، کو کورته
زرهی مفقود ، سرعتی غایت آز ، زرهی یکی مرمیلره قارشی
مقاومتسز بر کمی ایدی ؛ یالکیز ایچنده کی طوپلر غایت ای ایدی ؛
فقط بر مرمینک آچاجنی رخنه ایله کهنک باتماسی پک ممکن ایدی .
زرهلی نامنی طاشیان دیگر کوچوک کمیلر ساحل محافظه -
سندن ، تجار کمیلرینه قارشی بر قوت حرییه تشکیل ایتمکدن
باشقه برایشه یارامازلردی . بولمه لری یوق ، سرعتلری غایت
آز ، زرهلری غایت ایجه و مقاومتسز ، طوپلری آز و اوافق
چاپده ایدی . بولمه لری و سرعتلری اولسه قرووا زور مقامنده
قوللانمق قابلدی ؛ فقط بالخاصه سرعتک آزلی دشمن دونما -
سنه قارشی هر درلو قیمت حرییه دن محروم اولمالرینی انتاج
ایدیوردی .

پيك شوكت، برق سطوت نامنده كي سفينه لره كلنجه خارجا
 كوردن قيمتلي بر حرب كيمسي ظن ايدر ؛ فقط سرعتلرينك
 ازلفي بونلري ده دشمن دونماسنه قارشى بر قيمت حربيه دن
 محروم براقده در. كذا پك چوق طور په دو بو طر سرعتلرينك
 ازلفن دن هيچ بر قيمتي حازر دكلدر لر. بوسفينه لرك هان ا كثريسي
 آنجق ۱۴ ميل سرعت يابايلمكده ايدى. حال بوكه بو كون
 زره دن محروم اولان كميلر ، محافظه لى قرو وازور لرله طور په
 دو سفائى ۲۰ ميلدن آشاغى سرعت سيره مالك اولور لر سه
 غانبو طلقدن باشقه برايشه يارامازلر .

الده ايشه يارايان آنجق حميديه و مجيديه نامنده كي ايكي قرو
 وازور ايله فرانسه دن آلان برقچ طور په دو مخربى ايدى .
 بونلرك ۴۰ : ۲۸ ميل سرعتلري وار ايدى . بر آزده مسعو -
 ديه نك ايچنده كي غايت اى ايكي بويوك طوپ بوكمى يه بر آرقيمت
 حربيه ويريوردى .

شو حالد اركان حكومتك دها انقلابى متعاقب حقيقتى كوز
 اوكنه كتيرملرى و « دونماز آنجق شويدى سكر پارچه
 كميدن عبارتدر ؛ ديكر لرى وقت حضرده سوا حلك تأمين و
 محافظه سنه مخصوصدر » ديملى لازمدى ؛ بونى كنديلرى
 ديمه ديلر ؛ و آميرال (غهمبل) ك اخطارينه ده اهميت ويرمديلر .
 يونانك موجود اوچ كوچوك زره ليسنك هر برى همان بر
 مسعوديه قيمت و اعتبارنده ايدى . بوندن باشقه موجود سكر

طورپه دو مخربى بزمكىلردن هم بويوك هم دها يوللى ايديلر ؛
 بناءً عليه يونان دونماسى بزمكنه اوچ مثلى فائقدى . بو حقيقت
 نهايت ۱۳۲۵ سنه سنده ، حربك محقق الظهور كورونديكى آنده
 تسليم اولوندى . ينه هر زمانكى خطا : اويومق و آنجق تهلكه
 ظهور ايدنجه تلاشه دوشمك

همان هر كسى بر تلاش استيلا ايتدى ؛ حاضر البسه آيلر
 كى حاضر كى تحرى ومبايعه سنه قالدق . بالطبع على العجله
 كى تداركى پك چوق محاذيرى ، حتى بيلهرك ، قبوله مجبور
 ايدجكدى . انكلتره وفرانسه صاتيلق ماللرى اولماديغنى سو-
 يله ديلر ؛ بو بزم ايچون اهميتلى بر معنائى شاملدى : هر حاله
 يونانه قارشى تفوقى و بناءً عليه كريد مسئله سنك اهمزه حانى
 ايسته مدكلىنه دلالت ايدىوردى ؛ فقط بزم اهميت ويرمك .
 همان آلمانيا فرصتدن استفاده ايتدى . تقاعد ايتك اوزره اولديغى
 ايكي اسكى زرهلى يى بزه تكليف ايتدى ؛ بونلر ۲۰ سنه لك
 خدمت موظفه لر ينى اكمال ايتمىلردى . بزم دها ايجه لر ينى ايسته-
 دكسه ده آلمانيا ويرمديكندن بوچوروك كملره راضى اولدق .
 بوكميلرك هر برى يونانك آنده كى كملره فائق اولديغندن
 مسعوديه ايله برابر يونانه قارشى تفوق تأمين ايدم بيله جكلىردى .
 اوصيراده آلمان دستكاهلرنده حاضر بولديغمز يكي درت طورپه-
 دو مخربى ده صاتون آلاق يونانك بو جهتدن موجود اولان
 تفوقنى ازاله ايتك .

هیچ شبهه یوق که مملکت بواشاده کیلره ویردیکی پاره ایله
بحریه یه بر فدا کارلق یامش اولدی ؛ فقط صرف ایدیلن پاره
ایله تدارک اولونان موانع متناسب دکلدی .

بر میلیون لیرایه تدارک ایدیلن ایکی اسکی زرهللی خرده -
جیلرک ایشنه یارایاجق شیلردی . کرچه اوزمان ایچون یونانک
جسارتی قیرمشدق . بر مدت موقته ایچون حرب تهلهکه سنک
اوکی آلمش ایدی ؛ فقط بر میلیون لیرایه موقت بر تدبیر
صاتون آلمشدق . بحریه ده کهنه نك هیچ ایسه یارامادیغنی اولجه
سویله مش ایدک . آلمان کیلرک آنجق کندی عیارلرنده بولونان
کهنه لره قارشی بر قیمتی وار ایدی . تک بر یکی کمی قارشیسنده
بونلرک ایش کوره میه جکی بدیهی ایدی . عجباشو موقت ، یاریم
تدبیرک جدی بر فائده سی وارمی ایدی ؟ عجبا بر قاچ سنه صوکر
ینه عینی مشکلاته دوچار اولمایاجقمی ایدک ؟ بو کیلری چوروکه
چیقارمغه ویکی کمی تدارکنه مجبور اولمایاجقمی ایدک ؟ بر
میلیون لیرایه ایکی اسکی کمی تدارک اولوناجغنه بر یکی کمی
آلسه قدها ای اولمازمی ایدی ؟ بزه یکر می سنه متها دیاً ای
ایش کورمز می ایدی ؟ کرچه بو بر میلیون لیرایی دفعه تسویه
ایتمه یه رک تقسیط ایله تأدیه ایده جکدک ؛ فقط آلمانیا نك بو فدا -
کارلنی دخی کیلرک قیمتسزلکی حقننده بر فکر ویرمکه کفایت
ایتمز می ایدی ؟

ایشکدها غریبی : شیمدی بزم شو کهنه کیلر مزه میدان

اوقویان (آوه روف) اوزمان، بر قومیسو نمز طرفندن دستکاهده کوروله رک بکهنیلمه مش ایدی؛ فقط براز صوکره یونان بزه قارشی اسکی تفوقنی ادامه ایچون آوه روفی آلدی؛ همان اکمال ایتدیردی و ایچریسنه غایت ایی طویلر قویدیردی. بزدن بلکه اون دفعه کوچوک اولان یونان حکومتک یاپدیغی، کوستردیکی شو بصیرت و فداکارلق ایله بزم فداکارلغمز نسبت ایدیلیرسه بحریه یه نه قدر اهمیت ویردیکمز آ کلاشیلیر.

برکت ویرسون، حکومتدن زیاده ملت بحریه نک قیمتی آ کلایارق بر دونما جمعیتی تشکیل ایتدی. کرید مسئله سی مناسبتیه حال غلیانه کلن ملت ایجه فداکارلقده بولوندی؛ پک چوق اعانه لر ویردی، فقط حکومت بو اعانه لره الی اوزاددرق آلمانیان آلدیغی کیلرک پاره سنی قسماً بونلرله تسویه ایتدی. کویا حکومت کمی آلمشدی !

ینه بواثناده حکومت، بحریه اهمیت ویریورکی کورونمک ایسته دیکندن مجلس مبعوثانه بش میلیون لیرالق بر بحریه انشات پروغرامی ویردی و تخصیصات طلب ایتدی؛ کرچه بو پروغرام قبول و تصدیق اولوندی؛ فقط دونما جمعیتک وارداتی ده بو بش میلیون لیرا داخلنده حساب اولوندیغندن حکومتک و مجلس مبعوثانک قبول و تصدیق ایتمش اولدیغی تخصیصاتک اهمیتی قالمادی؛ مسموعاته نظراً آلمانیان آلنان کیلرده بو تخصیصاته محسوب ایدیلش. اگر بوروایت دوغرو

ايسە بىش مىليون لىراق بىجىرىيە تەخىيىتىنات فۇقۇلغادە سىندۇق
 آنجۇق بىر (رەشادىيە) يە نائىل اولاجغۇن تەيىن ايدىر.
 ايسە بىجىرىيە يە وىرلەن اھمىيەتلىك قىسمى ماھىيىتى
 شىرايط تەختىدە يونانە قارشى تەقۇق بىجىرى تەمىنى دائىما سۆزدە
 قالدۇ . دۇنماقنى كىچىك يونان مۇھارەبە سىندە ئاھىل چىناق قىلغەن
 دىشارى چىقامادىسە ، بو دىفەدە يە عىنى حال ياشانگىزە
 قالدۇ . بىر ايكى دىفە دىشارى چىقارق ما يۇسۇنە چارپىشىدى
 ايسەدە نۇمىدانە دۇنمىكەن باشقە بىرشى ياپامادى . ايلەك مۇھارە
 بىجىرىدە آوەرۇفك سىقىشىدىر يىلەسى امكانى تەھۇر ايتىدى
 ايسەدە سىرعت سىرى خىسبىلە چابۇق قاچىدى
 يونان بالقان خىزىيە ايتىداسىندە بىر فداكارلىق دىھا ايدەرك
 حمىدىدەن آز كوچۇك بىر قىرۇلۇزور ايلە دىرت سىفاوت [*]
 تدارك ايتىدى ؛ بو تدارك ايدىلەن كىلەردە كاملا بىكى اولدۇقلىرىدىن
 يونان دۇنماقنىك اوزون مدت قىممەت خىزىيەسى غائب ايمەيەجى
 بدىھىدەر . كوچۇك يونانك هىچ اسكى كى آسماق كى
 كوستردىكى بىصىرتى بىر كوسترەمدە
 بالقان خىزىيەدە يونان تەقۇق بىجىرىنىك تە ئالىم نەتىجەلەر خاھىل
 ايتىدىكى مەلۇمدىر ؛ آتەلەرك غائب ايدىلەسى ، سۆزىدە كى
 عىسكىرلەر مەزدەن لايىقەلە استفادە ايدىلەنەمسى ، يەندە كى عىسكىر
 [*] تۇرپەدە مۇخىرىدىن دىھا جىسىم دىھا بويۇك تۇپلى غاداقىرۇلۇزور
 كى تۇرپەدە سىفەنە سىدەر .

لر مەزى اورادە تۈرك تەجەبۇرىتى ، غەرب اردوسىنىڭ مەملىكىتى
اقىسام سائەسىلە ھەر نۇوع از تەبائى مەنقەطع اولارق كەندى باشى
آج و بىعلاج قالماسى و پرىشان اولسى ھەپ دونمايە اھمىت
و ىر مە مەنك نىئالچ مضر دەيدىر .

سواحلى بو قدر واسە ، اقسامى آراسىندە مطلقا مواصلا
بجەريە مەحتاج اولان عثمانلى حەكومەتى دونماسىز ياشايمار . بالخاصە
بوندن سوكرە يونانك از مەر حوالىسىنى بر ما كدونىايە بكرە .
تەمەسى ايچون يونان دونماسىنى ھەر زمان ازىچى مەجدد بر عثمانلى
دونماسىنە احتىياج شەيد واردىر . بو دونما روس بجر سىيە
دونماسىنەدە تفوق ايدە بىلەرسە استقلال و طنى مەحافظە ايتىش
اولورز . عەكسى تەقدىردە امنىتەز تەلەكەدەدەر . عادى بجرىە
بودجە سندن ماعدا ھەر سە لااقل بشوز بىك لىراق انشاآت
تەخصىصاتى لازمىر . بو تەخصىصاتى مەمادىا و ىر مەك و مەنظەم بر
پروغرامە توفىقا مەتجانس كىلەر ، ھەر زمان ، ھەر ىردە ھەر كسە
قارشى ايش كورەجك يىكى كىلەر تدارك ايتەك ضرورىدر . دونما
جەمىيتەك وارداتى بو تەخصىصاتە قارىشىد ىر مامالىدر . جەمىيتەك
وارداتىلە موجود پروغرامە علاولر ياپىلمالىدر .

شىمدى آطەلر دكەزندە ىرلەشن بلغارلر كەدە دونما تدارك
ايدە جەكلەرى آشكاردر . حتى دفعةً اوچ زەرھلى سپارش ايتەدىكە
دائر شىوع بولان جوادث بزم ايچون فوق العادە شاين دقتدر .
بز بش سەندە بىك دورلو كورولتى ايلە آنجق بر رشادىەنى

سپارش ایده بيلمش ايکن دها يکي سربست بر دکزه صاحب
اولان اوفاق بر قرالغک اوچ دانه يکنسق کهي سپارش ايتمی
صوک درجه عبرت أنکیزدر.

شونی ده خاطر دن چيقارمايالم که ، بزم رشاديهيه مقابل
يونا نك ده عینی قيمته بر زر هلیسی در دست الشادر .



ملتک قصورلری

بالقان حربنده ظاهرأ تووڪ ، بولغار اردولری حقیقتده
ایکی ملتک مادیت و معنویتلری چارپیشمشدی . عثمانلیلغک
مادیتده کی نواقص بوندن اولکی بحثلرده صورت عمومیهده
کوستریلدیکندن شیمدی معنوی خطالرینی ، ملتک قصورلرینی
خلاصهً تدقیق ایدلم :

بر حربده ، ظن ایدلمه سون که ، یالکز طوپلر تفنکالر
باطلار ؛ انسانلر بر تیاترو صحنه سنده کی کبی روللر ایفا ایدرلر ؛
نهایت بر طرف غالب ، دیکر طرف مغلوب اولور . خایر ؛ محاربه
ایدن دائماً ایکی ملتک معنویتی ، روحیدر . طوپلر ، تفنکالر او
معنویتلردن ، روحلردن فوران ایدن آتش کین و غیظک
باجالریدر . کوکرده مش آرسلانک دیشلری وطیرناقلریدر . بویله
روحاً ، بوتون معنویتله آتش پوسکوره جک درجهده وجد
و غلیانه کلش ملتک ائنده طوپلر ، تفنکالر ای ایشلر . . .

بولغار ملتی عصرلردن بری دینی و سیاسی بویوندوروق
آلتنده بئلکنی غائب ایتمش ایکن ایچلرندن یوکسه لن بر قاچ
فداکار و پارلاق ناصیه ملتنه کندینی طانیتمش ، ماضیسنی

او کره تمش، چالیشمق، کندی قوتی او کنده بویون ا کدیرمک،
 حقنی هر کسه تسلیم ایتدیرمک ایچون عزم و متانت وفدا کارلق
 تلقین ایتمش ایدی. تدریجاً جانلانا ملت، یالکر لفظاً دکل،
 فعلاً دخی فدا کارلق ایدن قهرمان پاپاسلرک، شاعرلرک دلاتیله
 استقلال قازانیور؛ کنديسنه ویریلن طونه ایله بالقانلر آراسنده کی
 ساحه بی کندی آمالی ایچون پک دایر بولارلق بالقانلرک او بر
 طرفنه کچیور؛ ونه یایت بو دفعه رودوپی ده آشارق آطه لر
 دکرینه قاووشیور؛ اللی سنه اول بر میت متحرک حالنده
 کندنن بی خبر، طوموز چوبانلغندن باشقه برشی بیلمه یین بو
 ملتک بو کونکی حالی فدا کار شاعرلرینک، ابتدائی مکتب
 خواجه لرینک، کوی پاپاسلرینک تلقیناتیله وجوده کیشدر.
 آنجق ۳۵ سنه لک بر ماضی یه مالک اولان بو کونکی مادیت
 هپ او تلقینات ایله دیریلن، وجود بولان مغنویت ایله تأسیس
 ایتمشدو. بیلرک دخی منهزمتله جانا نلار نیدا
 سن زواللی تورک، عصر دیده جاهل . . . سن نه یاپدک؟
 مغنویتک نه در؟ مفکورده نه ایدی؟ هیچ . . .
 دور استبدادده استانبولدن اوزاق اولان محیطلرده
 چالیشمق ممکن ایکن نه یاپدک؟ بولغارلرک کندی کوی
 مکتبلرنده، کلیسالرنده یاپدق لری کی سنک ده عصرلق جهـاـ
 لتلرینی کیدرمک ایچون کوی مکتبلرنده، جامعلرده چالیشمقلغک
 وعظ دیکله مکملکک قابل ایکن نه یه او یودک؟

۱۰. آقون ۱۳۲۶ انقلابی متعاقب بر قاچ، بویوک شہر دہ کی سیاسی چریانلر، مخالفتلردن باشقہ نہ کی بر حیات اثری کوستردک؟ مشروطیت، آنحق، چالیشمق ایچون موجود مواعی ازالہ ایدر وەر، کیمہ بو بایده سربستی، مساعد، بخش ایدر . هانیا سپور جمعیتلرک؟ . . . نشانچی قلوبلرک؟ . . . معارفک ترقیسنی اهدف اتحاد ایدن مؤسسیات خصوصیهک؟ . . . هانیا ملتبرہ جان، قان بخش ایدن ملی مفکوره لرک؟ . . .

بوتون کنجلیکمنر جاہل خواجہ لرک، قالین قفال، سرسم و اعظملرک محدودیت فکر و ذکالیلہ اویوشیور ایدی . بویدار قفال، اویوشوق وجودلر مسکینلکدن باشقہ بر شی تلقین ایدم میوردی . هر هانچی بر موقع مسکونہ کیدیلیر سہ ، تورکلری، مسلمان اہالی بی اویوشقلغیلہ، مسکینانہ یوروشیلہ، عطالتیلہ، غفلتیلہ در عقب تفریق، ممکندر .

هر شی حکومتدن بکلہ نمر؛ حکومتدن هیچ بر معاونت کورمہ یں خرستیان اقوامک تیقظندن، غیرتندن، متشبثلکندن، عبرت الموق لازمدر . حکومتک خطا حرکتی تفتیددن اول هر کس کندی وسیعی، طاعتی داخلیدم بولوب ایشلری یامالیدر . اول امر دہ اومزی دوزہ لہم؛ حکومتدن انتظام مساعی اطلب ایتمزدن اول کندی بویالرمزہ انتظام صوقالم؛ جو جو قلمزی تربیہ ایدم؛ اونلرہ انتظام، غیرت، تشبث، جسارت، وظیورلک تلقین ایدم .

حکومت واردو آنجق ملتدن فیض وقوت آلیر . حکو-
مت واردوی تشکیل ایدنلر افراد ملتک بر قسمندن باشقه برشی
دکلدر . شو حالده غیور ملتک غیور براردوسی اولور . ساده
باشقه لرینی مؤاخذه ایله ایش یورومز . هر کس کند ی وسی ،
اقتدار ی داخلنده اولان شیلره تشبث ایدرک مملکته نافع اولغه
چالیشمالیدر ؛ یاخود سسنى کسوب بو مملکته علاقه م یوق
دیهرک برکنارده اوطورمالیدر .

دور استبداده اولدینی کبی دور مشروطیتده ده همان بوتون
شاعرلر مز عشقده باشقه برشی ترنم ایتمه یورلردی . افکار
ملیه یی تهییج ایدن ، ملی مفکوره لر تلقین ایدن ، اولاد وطنه
قهرمانلق وفداکارلق القا ایدن منظومه لره هیچ اهمیت ویریله-
یوردی . هر کسده بر غیر تسزک ، بر عدم تشبث . .

آمال ملیه دائماً مدافعه یه ، دفع تجاوزده میال ایدی ؛ هیچ
مغصوباتی استردادده ، غائب ایتدی کمز بو قدر یرلری تکرار
أله کچیرمکه نیت وهوس یوق ایدی .

فرضا بر تورک وازوفی [*] چیقوبده روم ایلی شرقی ی
استرداد ایچور تورک کنج لرینه جان وقان نفح ایده جک هیچ
برشی یازمادی . اعلان مشروطیتدن صو کرا بسته له نن بر قاج
وطن شرقیسی بیله مسکننت عمومیه دن کندینی قورتاراماشدر .

[*] وازوف بولغارلرک ملی شاعریدر . ما کدونیا حقنده متهیج
اشعار یازمشدر .

اکثریسی اوقورکن ، دیکارکن انسانہ جان و روح ویرہ جکی
 یرده اویقو کتیریر ؛ هپ نالان و خراماندر ؛ هیچ بری
 جوش و خروشه کتیریجی دکلدر .

اولاد وطن دها آنا قوجاغنده ایکن قهرمانلق داستانلری
 دیکله ملی ؛ فلاکتر مزك انتقامیله پروشیاب اولمالی ؛ مکتبلرده
 خواجهلر دها کوچو کدن وطنپرور یتیشدیرملی ؛ تشبث ، جرأت
 عزم و متانت کبی خواصی اویاندرمالی و دائماً تنیہ ایتمه لی . ابتدائی
 معارفی تسهیل و تعمیم ایتمه لی .

شبهه سز ، بو صورتله یتیشمش کنجیلردن مرکب بر اردو
 دها جانلی ، دها غیرتلی دها جسور و فداکار اولور .

شوراسی محققدرکه ، معارف ابتدائیه سز اردو کوچ یتیشر .
 بو کونکی تفنیکلر ، طویلر اوقوما یازما بیلنلره دها قولای ،
 دها مونسدر . اویله انسانلرک ائنده دها مؤثردر ؛ حکومت
 دارالفنونلره همت ایدہ جکی یرده ابتدائی مکتبلرینی اصلاح و
 تکثیر ایتسه ترقیمزه دها زیاده خدمت ایتمش اولور . دار-
 الفنونلرده اوقوناجق محدودالمقدار طلبہ یی اوروپایه کوندروب
 اوقوت مقده ممکنسدر . فقط عمومک محتاج اولدینی معارف ابتدائیه
 ایچون بوقاعده تطبیق اولوناماز . برزمانلر طوبی آغاجی نظریه-
 سیله بوش بوشه اویالاندق . دوقتوردن ، شاعردن ، مهندسدن
 اول مکاتب ابتدائیه معلملری ، معلم اردولری بزی احیا ایدہ-
 جکدر . برقاج دوقتور ، شاعر ، مهندس طبقه خواصک

ثروتيله يتيشه بيلير .

هر كويده ، هر قصه ده معارف ابتدائيه ي ترقى و حمايه
ايچون تشكىل ايده حك مى جمعيتلر اردو و دونما قدر محافظه
وطنه يارديم ايدرلر .

ايسته بز بوتون بو خصوصي جمعيتلردن ، مى تشيكلردن
كاملاً محروم اولارق ياشاوردق . بويلا ملتك تشكىل ايده حكى
وردودن خير بگله نه مز . عصر لردن بى دوچار اولديغمز
ولاكتلرك اسباب حقيقه سنى بوراده آرامق لازمدر .

اسكى عثمانليلرك بز دن دها عالم اولدقلى نه شبهه يوقدر ؛
اوزمانلرك ترقياتنه كوره هر شعبه علم و معرفته از حوق
متخصصلرك موجوديتى قابل انكار دكلدر . اودورلرك محصول
مساعيسى اولان جامعلر ، كوپرولر ، مدرسه لر ، سيرايلر ،
تزينات معماريه مدنيت قديمه مزك برار برهان چليهدر . دمير
يولك ، واپورك ، اوطوموبيلك بولونمادىنى او زمانلرده
۲۰۰،۰۰۰ كيشيك براردوي ادرنه دن قالد يروب (فيله - صوفيه)
اوزرندن قوصوه اووراسنه سوق اتمك ، عبنى مقدارده براردويى
استانبولدن ، داوود پاشا صحراسندن ويانه اوكنه كوتورمك بر
هنردر . بوكون بز غابت محصوللار اولان ادرنه اووالونده
حصاد موسمندن صوكر اعظمى ۱۵۰،۰۰۰ كيشيك براردويى
بسله يمدك ، آچلقدن سيفيل ايتدك . بوكونلكى عسكرمهنده
اوزمانكيلر كى قورو كى كىدن باشقه بر شى ايسته مدي .

بیسکوی ، چای ایله قونسرو و سنی اولمادان حرب ایدم دیمدی .

هر اولو جامعک یاننده کی مدرسه اجداد منک علم و معارفه

نه قدر اهمیت ویردیکنی کو ستر مکده در . مدرسه لر او زمانک

دارالفنونلری مقانده ^{تیلای} فقط زمان فوق العاده ترقی

ایتدکجه بز معارفه اهمیت ویرمه مک و اونسبتده سرعتله تدنی یه

باشلادق ؛ بو کولکی حاله کله رک ؛ بناء علیہ محافظه وطن و

استقلال ایچون معارفک ، بالخاصه معارف ابتدائیه نک اردو

قدر لازم اولدیغنه قناعت کتیره رک چالیشمق لازمدر ؛ معارف

ابتدائیه نی تسهیل و تعمیم ایچون هر نه لازمه (یا یق) ، بو کون

اردو و دونمائی اصلاح و احیا قدر مهیدر .

تألیفات خیریتیا ...

...

...

...

...

...

...

...

...

...

...

...

علاوہ ناشر

کتابخانہ انتباهك دردنجیسی تشکیل ایدن (اسباب هزیمت و فلا کتمز) عنوانی اثره یازمش اولدیغم مقدمه ده مغلوبیت وهزیمتلمزك وقت صلحه عائد اسبابی بیایر مشدم. (نه دن منهرم اولدق؟) اثری ده بو اسبابی ده ا زیاده تفصیل ایلمکده در. بو اثر جکله عمومه واردویه هر وقت قابل تعمیر و اصلاح اولان فناقلرمزی، رخاوت و تسیمزك ایراث ایتدیکی ضایعات و فجایی کوستردرك او یوشوق ذهنلرده بر انتباه حاصل ایتماک ایستیورز.

ملت انتباهه محتاجدر. بو آلم و فجیع فلاکتلر بیه حیات اجتماعی و ملیه مزده قوتلی تأثیرلر حاصل ایده مدی. شرائط اجتماعی مزك بو قدر حسسوز و لاتید بولندیغنی اصلاً ظن ایتما مشدم. اخیراً آناتولی، سوریه و مصره وقوع بولان سیاه حتمه فلاکتلردن یانوب طوتیشان متالم و متأثر قیلره پک آز تصادف ایتدم. همان هر طرف صانکه هیچ برشی اولماش کی ساکن و جامد طورییور. اسلاملرینه اودرین او یقویه دالمشله. سیککنمک و او یانمق لزومنی حس ایتیه رك او عصرلق کیف

و استراحتلرینه عودت ایلمشدر .

بالقان فجایع و مصائبک عواملنی اردو مزک متوالی مغلوبیت و هزیمتلی تولید ایتدیکی وایک انتباهکده بورادن ظهوری اقتضا ایلدیکی حالده بالعکس اردوینه حربدن اولکی حیاتی یاشامقدهدر .

آناطولی و سوریه ده کی مشاهداتم مع التأسف پک حزیندر . هان هر طرفده تعلیم و تربیه مهمل ، طهارت و نظافت مفقود . افراد بر حیات رخاوتکارانه تسلیم وجود ایدرک قیشله لرنده طابور مرکز لرنده او یوشمغه ، کندیلکندن گوشه مکه محکوم .

تعلیم و تربیه مأمور بر خیلی ضابطک ایام مشغله سنی قهوه . خانه لرده اسقامیل و طاوله ایله کچیردکلرینی ، اکثر امرامزک یینه او قولتوقلی ضد الیه لرده کاغد حواله لرله مشغول اولدقلرینی کوردرک پک متأثر اولدم .

اردو مزده عسکرلک ، حیات عسکریه یوق . ملازمدن مشیره قدر سلسله مراتب عسکریه کچنمک و یاشامق ایچون بر مأموریت ، برواسطه اولمش . مشهوداتم ، عسکرلکک بزده ملیکی مأموریتلر کبی بر مأموریت رسمیه ، ضابطان و امرانک حیاتی ایسه - بعض مستشاردن صرف نظر - مأموریت ملیکی و علمیه حیاتی کبی کچمکده اولدیغنی اثبات ایتشددر .

شبهه سز بونلرده بتون انسانلر کبی یاشامغه ، آیلق و بیللق

ایله تأمین معیشت و سعادت محتاج. فقطه ملکی بر دایره نك، بر قلم او طه سنك ارکان و خلفاسی کی بر حیات و شمییه یی تعقیب ایدم بیلیرلرمی؟

اردوده وظائف یومیة رسمیة دن، تأمین اداره و معیشتدن ده عالی، ده اقدس بر وظیفه واردر که اوده حیات عسکریه در. حربك روحی بو حیات عسکریه ایچنده کومیلیدر. مظفریتلر، شان و شرفلر هپ بو حیاتك درجه قوت و شدتنه تابعدر. بو حیات، حیيات عادیه و مسالك سنأرده قطعياً یوقدر. بو اوله بر حیياتك، حب سعی، حب شان و شرفله، اخوت و صمیمیتله یوغوریلهرق؛ وطنك، ملتك، اردونك ناموسنی و حیثیتی نفسنده جمع ایدرك تأسس ایتشدرد. هر هانکی اردوده اساسلی و سوردکلی بر حیات عسکریه یوقسه او اردو عقامته دوچار اولمش؛ حسرت، طویغوت، شرفمنز بوش بر انسان ییغیندن باشقه برشی دکدر.

بز، اردو مزده جانلی و روحلی بر حیات عسکریه او یاندر مدقجه، عسکرلکی یاشامیق ایچون بر واسطه معیشت تلقی ایلدکجه قطعاً یوکسله مزده یاشامیق ایچون بر واسطه معیشت تلقی ایلدکجه قطعاً بر ضابط، وقت حریده مجاربه نك جهنمی صفحه لرینه آتیلیمق، دشمنك قلیج و سونکی صفیری ایچنده قهر مانانه یوریمك، وقت حضرده افراده یوکسك بر تعلیم و تربیه ویرمك و بو خصوصده هر درلو متاعب جسمانییه قتلانمق ایچون نه کی خواص عالیه و فضائل

بشريه مالک اولمسی اقتضا ایدر؛ البقیه
 صابطک وظیفه عسکریه سی اوقدر عالی، اوقدر مقدسدر که
 بوحلولیت و قدسیت آنجق حیات عسکریه بی احتوا ایدن براردو
 ایچنده یاشار. *بسم الله الرحمن الرحیم*
 محافظه دین، وطن، ناموس هر شی بو ضابطه مود و عذر.
 حیات عسکریه دینلدیکی زمان دینزک قدسیتی، وطنزک سلامتی،
 ملتزک ناموسی هپ بو حیات ایچنده مندج اولدیغی آکلاشیلیر.
 بر اردوده حیات عسکریه اولماز، عسکرلک حسی و
 طویغولری تأسس ایتزسه اواردونک قیمت و جوهری دائما فردد.
 بز آوروپا عسکرلکنی قبول ایتمکه برابر، اسکی اردولر-
 مزک حیات عسکریه سنی غائب ایله نیجه، اردومزه مختلف آمال
 و احتراصات کیر نیجه، امرا و ضابطانمزک اکثریسی کندیلرینی
 بر حیات رها و تکارانه و لاقیدییه قویو ویر نیجه اردومز مغلوبیتدن
 مغلوبیتیه اوغرا دی. دینمز، ناموس و حیثیتمز تحقیر اولندی.
 وطنمز اک مسکین دشمنلرک چامورلی چیزمه لری آلتیده
 چیکتندی. بیکلرجه دینداش و وطنداشلرمنز قویون کبی
 بوغازلاندی.

بتون بو فلاکتلرک سببی اردوده کی بوز و قلق، حیات
 عسکریه ده کی کوشکلکدر. حیات عسکریسی اولان بر اردوده
 تربیه روحیه، تربیه فکریه و حسن فداکاری غایت یوکسک و مبذولدر.
 ایشته بز اردو مزده هر نه وقت بو حیاتی اقامه ایده بیلرک

اولورسہق او وقت استقبالمزدن اُمین اولہ بیلہ جکر . یوقسہ
 آناطولی و سوریهده کوردیکم کبی اردومن ینہ او اُسکی طرز
 اداره و حیاتی یاشارسہ، لاقیدی و تسیدن قورتیلامازسہ، ایچندہ کی
 معلول و فنا عنصرلری آیقلا یوب یکی بر حیاته، بر حیات سعی
 وانتظامہ آتیلمازسہ انسال مستقبلہ نك انظارندہ نہ اَلیم مغلوبیت
 وفلاکت لوحہ لرینک دیکیلہ جکنہ شیمدیدن اُمین اولملی یز .

تجارزاده ابراهیم حلمی



فینائی (۲) غروشدرد.

کتابخانه انتباهک نشر اولان عددلری :

- ۱ . زواللی ملت
- ۲ . ملتک خطالری
- ۳ . ملتک قصورلری
- ۴ . اسباب هزیمت وفلا کتمز
- ۵ . معارفز و ثروت علمیه من
- ۶ . حرام ییجیلک
- ۷ . تعلیم و تربیه ده انقلاب
- ۸ . جان چکیشن تورکیا
- ۹ . نه دن منهزم اولدق ؟
- ۱۰ . آناطولینک استقبالی
- ۱۱ . تورکیا ناصل پایلاشیلدی ؟

ابراهیم حلمی افندی طرفدن یازیلوب
یقینده نشر اولنه جقلر :

تورکیا اویان
آوروپالیلاشمق
شروه سیاحت

بالتان حربی کلیاتی

یقینده بالتانلرده وقوعبولان محارباته عائدعسکری وسیاسی برسلساه
آثار نشر ایدهجکز . بونده بوتون بالتان حرکات عسکریه سی، وقایع
وفجایی تصویر اولنه جق عسکری و ملی هر کس ایچ-ون قیمةتدار بر
کتابخانه تشکیل ایدیله جکدر.